


DS
735
A2Y86
1771a
V. 56



御批歷代通鑑輯覽卷之一百十一

明

神宗皇帝

壬午萬歷十年春正月免天下逋賦。

張居正上言。帶徵逋賦。徒爲民累。百姓財力有限。一歲之入。僅足供一歲。不幸歲歉。目前尙不能辦。豈復有餘力。更完累歲積逋乎。有司避責。往往移新抵舊。年分雜淆。小民竭脂膏。胥吏飽谿壑。甚者不肖有司。因而漁獵。與其朘民以實奸貪之橐。孰若盡蠲以施曠蕩之恩。乞諭戶部。覈萬歷七年以前積負。悉行蠲免。帝從之。凡免二百餘萬有奇。而是時帑藏充盈。國最完富。

三月杭州兵亂。以兵部侍郎張佳允字肖甫。銅梁人。巡撫浙江。討定之。

浙江巡撫吳善言。

成安人。

奉詔減月餉。東西二營兵馬文

英。劉廷用等。構黨大噪。縛毆善言。朝議以佳允才。令代

之。

佳允初知滑縣。劇盜高章者。詐為緹騎。直入官署。劫

召入。立擒賊。由此知名。累遷宣大巡撫。潘五大掠

塞外。佳允用計服之。張居正以為才。故令代善言。佳允

甫入境。而杭民以行保甲故。亦亂。佳允問告者曰。亂兵

與亂民合乎。曰。未也。佳允喜曰。速驅之。尚可離而二也。

既至。民剽益甚。佳允從數卒。佯問民所苦。下令除之。眾

愈張熾。夜掠富室。火光燭天。佳允召遊擊徐景星諭二

營兵。令討亂民自贖。擒百五十人。斬其三之一。乃佯召

文英廷用予冠帶。而密屬景星捕七人。并文英廷用斬之。二亂悉定。帝優詔褒美。

蘇巴爾噶寇義州。李成梁擊斬之。

泰寧部蘇巴爾噶與弟綽哈子布延圖。舊作卜言。今改。八犯

義州。成梁設伏鎮彝堡。

在錦州府義州東北。

參將李平胡射蘇巴

爾噶。墜馬。斬之。寇大奔。綽哈等慟哭去。自是敵數入。成梁等數敗之。輒斬其魁。又時襲擊于塞外。敵少戢。

夏四月。京師旱。疫。

彗星見。

六月丁亥朔。日食。

加張居正太師。以前禮部尚書潘晟

新昌人。

兼武英殿大學

士吏部侍郎余有丁

字丙仲。鄞人。

兼文淵閣大學士並預機務。

晟尋罷。

居正卧病。四閱月不愈。百官並齋醮為祈禱。

修撰王家屏。戶部主

事顧憲成。不往。憲成同官代之署名。憲成聞。馳往手削去之。

王家屏。字忠伯。大同山陰人。顧憲成。字叔時。無錫人。南都。秦晉楚豫諸大吏。無不建醮。帝命張四維等理

閣中細務。大事即家令居正平章。居正始自力。後憊甚。不能徧閱。然尚不令四維等參之。會遼東奏捷。加居正

太師。先是。居正以十二載滿。加太傅。明世文臣無真拜三公者。自居正始。已而居正病革。自度不起。乃薦晟有丁。自代。晟素貪鄙。不厭清議。馮保

素從受書。疆居正薦之。命下甫五日。為言者交章劾罷。

張居正卒。

諡文忠。

帝愴悼輟朝。諭祭九壇。視國公兼師傅者。贈上柱國。命

四品京卿錦衣堂上官司禮太監護喪歸葬。居正當國。務尊主權。

課吏職信賞罰。一號令。雖萬里外。朝下而夕奉行。故神宗初政。起衰振墮。綱紀修明。海內殷阜。居正力也。然威

權震主。好設自尊。士大夫始惡之。以伊周五臣。繼竟擬之。舜禹。居正恬然不為怪。晚益褊恣。黜陟多由愛憎。左右

頗通賄賂。議者謂其昧寵利。居功之戒。所以身死未幾。即致禍敗。初帝在講筵。讀論語色勃如也。誤讀為背。居

正遽厲聲曰。當讀作勃。帝悚然驚起。同列皆失色。由此帝益心憚居正。時比之霍氏。驂乘云。

秋八月。皇子常洛生。即光宗。

恭妃王氏出。

妃初為慈寧宮官人。年長矣。帝過慈寧。私幸之。有身。故事。官中承寵。必有賞賚。文書

房內閣。即記年月。及所賜。以為驗。時帝諱之。故左右無一言者。一日。侍慈聖宴。語及之。帝不應。慈聖命取內起

居。注示帝。且好語曰。吾老矣。猶未有孫。果男者。宗社福也。母以子貴。寧分差等邪。是年四月。封恭妃。及是遂生

皇長子。帝御殿受賀。頒詔大赦。

冬十二月。太監馮保以罪謫為奉御。安置南京。

初。保內倚太后。外倚張居正。專擅威福。帝有所賞罰。非出保口。無敢行者。帝積不能堪。然迫于太后。居正不能

去也。及太后歸政。居正又卒。保失所倚。然猶肆橫如故。

潘晟既罷。保方病起。詔曰。我小恙。遽無我邪。皇長子生。保欲封伯爵。張四維以無故事難之。擬廢弟姪一人。都督僉事。保怨曰。爾由誰得。今日而負我。其忿如此。東宮舊閹張鯨素害保寵。謀

去之。其同事張誠向為保所惡。斥于外。至是復入。兩人

乃伺間陳保過惡。並發其與張居正交結狀。帝猶未發。

會御史江東之

字長信。歙人。

首劾保黨錦衣同知徐爵。帝下

爵獄論死。李植

字汝培。江都人。

遂列保十二大罪。帝震怒。謫保

南京奉御。籍其家金寶已萬。東之并糾吏部尚書梁夢

馮保與閣臣表裏為奸。擅竊威柄。其惡已稔。使非張鯨浸潤。密投外廷。雖列其罪狀。神宗亦未必遽能動聽。然鯨之意在于移寵。故本願獲申。遂乃怙凶。滋甚。蓋宦豎原無善類。其互相攘奪。原不過為罔上行私。一保去而一保來。盤結且

愈深固其後李沂等抗論糾劾神宗轉以為駕詞報復曲庇奸闖社鼠城狐熏灌已難為力況從而假其聲勢無怪醜孽之日益繁滋也

戚繼光嫻于兵法且在薊鎮年久邊防修舉克著成效豈得謂之不宜于北即張居正前此與之商推使無掣肘實由鑒懷國事而

龍字乾吉。真定人。賂徐爵得官工部尚書曾省吾彭澤人。吏部侍

郎王篆夷陵州人。皆被論得罪去。于是彈擊居正者紛起矣。

以嚴清

字公直。雲南後衛人。

為吏部尚書。

清素著清望。張居正當國。清任刑部尚書。不附麗居正。

及籍馮保家。得廷臣餽遺錄。獨無清名。帝深重之。會梁

夢龍罷。即以清代。日討故實。辨官材。自丞佐以下皆覩

署。無一倖進者。中外師其廉儉。書問幾絕。甫半歲。得疾

歸。

卒諡恭肅。

改薊鎮總兵官戚繼光于廣東。

繼光在薊鎮十六年。當國大臣徐階。高拱。張居正。先後

倚任之。居正尤事與商摧。動無掣肘。故繼光益發舒。及

非跡涉私交不但不可以
罪繼光并不可以罪居正
乃言路惟知許居正秉鈞
往事遂爾過事改求妄加
抨擊凡所冀進悉欲一切
中傷之閣臣輒以鼎思一
言遂移繼光遠地止圖逞
一時私意全不計國家禦
侮需才總由神宗阿柄下
移諸臣得任情舉措安得
不日底蹙亡乎

是居正歿甫半歲給事中張鼎思言繼光不宜于北閣
臣擬旨遽調之廣東繼光悒悒不得志赴粵踰年卽謝
病歸居三年卒繼光更歷南北並著聲在南方戰功特
甚北則專主守邊防修舉繼之者踵其
成法數十年得無事所著紀效新書練兵
事實談兵家遵用焉萬歷末追諡武毅
癸未十一年春三月追奪張居正官階

馮保既得罪新進者益務攻居正詔奪上柱國太師再
奪謚居正諸所引用者斥削殆盡召還吳中行趙用賢
等遷官有差

夏四月張四維罷

初四維曲事張居正然心不善其所爲又居正卒始當
國政中外積苦居正欲大收入心因上疏言事請蕩

滌煩苛。宏敷惠澤。帝納其言。朝政爲之稍變。四維復引

居正所沉抑者。稍稍登用。時望頗屬。至是以父喪歸。是先

居正餘黨欲逐四維。擁申時行爲首輔。四維愠。語時行

客曰。夫首相者。若天行有春。必有夏。何相迫爲。時行得

疾在告。及起。不敢謝過。默默而已。四維乃與門生在言

路者。謀攻時行。疏具將上。會四維父訃至。乃已。四維歸

以許國

字維禎。歙縣人。爲禮部尙書兼東閣大學士。預機務。

張四維旣去。申時行爲首輔。國素與相善。由是政府無

間。

致仕武英殿大學士徐階卒。

諡文貞。

階里居後。爲高拱所厄。及拱罷。始得安。帝元年。階年已

八十。詔遣行人存問。賜璽書金幣。旣而張居正將歸葬

父擬薦階自代未果。居正念閣臣里居者高拱與已有隙。惟階老易與。擬薦之自代。既念。至是卒。贈太師。階以恭階前輩已還。當位其下。乃止。知立朝有相度。保全善類。嘉隆之政。多所匡救。間有委蛇。亦不失大節。方嚴嵩初罷。階榜三語于直廬曰。以威福還主上。以政務還諸司。以用舍刑賞還公論。由是票擬公之同列。言路亦益發舒。當時翕然稱階為名相。

五月我

太祖高皇帝起兵征尼堪外蘭。克圖倫城。臣等謹按自古帝王貞鳥生商。武敏誕稷。備垂詩頌。咸足著信千秋。洪惟我

命造邦。龍興東土。慶鍾天誕。朱果發祥。是用錫姓愛新。建邦長白。神奇肇跡。與三代開基之始。先後同符。逮我

太祖高皇帝經營大業。締構鴻圖。適會尼堪外蘭。構兵召覺。潛逞狡圖。我

太祖高皇帝爰仗義祖。征韓罪致。臣等懃既伏厥辜。明人猶庇惡

太祖高皇帝諭盟不知悔禍。我

太祖高皇帝不得已。以七十大恨告于

上帝。明誓衆士。師直爲壯。撫順來降。遼瀋尋經底定。尙冀明人警

悟。屢戢軍鋒。遺書講好。

太宗文皇帝。嗣登寶阼。以明人舊隙未平。繼承

先志。

親統大軍。

直薄燕京。明人國勢莫支。然且垂成弗取。迨至明政不

朝。

復因明臣吳三桂之請。爲之雪恥除兇。其有德于明者至

實錄所載。

望神代起。

謨烈昭垂。喬喬皇皇。固已具詳典冊。而圖倫一役。名正言順。實爲

鴻業。所由成。敬依例特書。以彰

捷伐大義。自時厥後。凡

六師順動。仁義兼資。以及掃蕩鯨鯢。施恩勝國。事與明紀有

關者。並依次恭載大略。用昭我

天眷。符瑞昭然。而

廓鴻基。得天下之正。尤爲隆古所未有。又豈漢唐以來。所

克比擬于萬一哉。

初長白山。在吉林烏拉城東南。橫亘千餘里。東自之東。寧古塔。西至奉天府諸山。皆發脈于此。

有布庫哩山。山下有池曰布勒瑚里。相傳有天女三。

長日

思古倫。次日正古倫。季曰佛庫倫。

浴于池。有神鵲啣朱果。置季女衣。取

而吞之。遂有身。尋產一男。生而能言。體貌奇異。及長。母告以故。命以愛新覺羅爲姓。名曰布庫哩雍順。以小舫乘之。令順流而下。至河步。登岸端坐。其地有三姓方構兵。或汲于河。見而異之。歸語衆人往觀。詢知所由來。皆驚曰。此天生聖人也。遂迎昇至家。三姓者議曰。我等盡息爭。推此人爲主。以女伯哩妻之。奉爲貝勒。其亂乃定。于是布庫哩雍順居長白山東鄂謨輝之野。鄂多理城。國號曰滿洲。實爲我

朝開基之始。數傳後有名樊察者。以國人弗靖。遁于荒野。

追者將及之。有神鵲止其首。追者疑爲枯木。遂得免。後

傳至

肇祖原皇帝。

興祖直皇帝。

景祖翼皇帝。

顯祖宣皇帝。相繼嗣興。威服諸部。

景祖居赫圖阿拉地。兄弟六人。築城分居。號寧古塔貝勒。時有

望氣者。言滿洲將有聖人出。戡定衆亂。統一諸國。繼而

顯祖嫡妃喜塔喇氏。以明嘉靖三十八年己未歲誕生。

太祖高皇帝。天表非常。勇略蓋世。號爲聰睿貝勒。時諸部爭奪不已。

太祖恩威並用。漸次削平。會蘇克素護河部圖倫城。有尼堪外
蘭者。陰搆明總兵李成梁。引兵攻古喀城。主阿泰章京。
阿泰妻。乃

景祖長子禮敦巴圖魯之女。

景祖聞警。恐女孫被陷。偕

顯祖往救。先後入古喀城。城中守禦甚堅。成梁不能克。尼堪外
蘭詭往招撫。城中人信其言。殺阿泰以降。成梁盡屠之。
遂并害

景祖

顯祖。

太祖聞之。赫然震怒。往詰責明邊吏。明人尋歸。

二祖喪至是。

太祖年二十有五。思復

祖父讐。乃以

顯祖遺甲十三副。起兵征尼堪外蘭于圖倫城。尼堪外蘭遁于

嘉班。遂克其城而歸。既而復進征嘉班城。尼堪外蘭乃

逃于鄂勒歡築城以居。事在是年八月。

太祖尋復進克鄂勒歡城。尼堪外蘭遁入邊。

太祖遣齋薩率四十人索之。邊吏執以畀齋薩。遂斬之而歸。自

此歲輸銀幣。通和好焉。事在丙戌年。

冬十一月己卯朔日食。

十二月慈寧宮災。

甲申十二年春二月京師地震。

釋建文諸臣外親之謫戍者。

御史屠叔明請釋革除忠臣外親後裔。詔曰齊泰黃子

澄外。其坐方孝孺等連及者俱免之。于是浙江江西福

建四川廣東得免者凡三千餘人。

後光宗嗣位併泰子澄戚屬後裔俱放還。

夏四月騰衝遊擊劉綎

顯之子

討平隴川賊。

初緬酋莽瑞體以兵服諸蠻。

嘉靖中孟養木邦酋攻殺緬酋莽紀歲分有其地紀

歲子瑞體奔洞吾母家爲之後尋以計侵據大古喇遂

復入緬陷孟密併孟養勢益彊于是木邦蠻莫諸部皆

叛附之。

大古喇地在洞吾南濱海與佛郎機鄰蠻莫孟密分地在蠻哈山下萬歷中析置安撫司後廢遣

人招隴川宣撫多士寧士寧不從而記室岳鳳方用事。

鳳

江西人行賈隴川驍傑多智士寧妻以妹使爲記室鳳媚士寧而奪之權。

欲降緬遂誘士

寧而醢之。并殺其妻子。奪金牌印符。受瑞體偽命。代士

寧爲宣撫。旣而瑞體死。子應裏嗣。鳳導之入寇。窺騰越

永昌諸處。已陷順寧。

本蒲蠻地。元置府。今府屬雲南。

指揮吳繼登等戰

死。事聞。詔以縉爲騰衝遊擊。鄧子龍

豐城人。

爲永昌參將。

提兵往討。當是時。迤西諸部皆叛。以兵助緬。進逼姚關。

在甸灣土州北。接順寧界。

勢甚盛。會縉子龍兵至。諸土兵亦大集。縉

與子龍大破之。攀枝花地。

在姚關南。

乘勝追擊。先後斬首萬

餘。鳳大懼。乃令妻子及部曲來降。縉責令獻金牌符印

及蠻莫孟密地。而分兵趨沙木籠山。

注見前。

先據其險。自

領大兵。馳入隴川。鳳度無可脫。遂詣軍門降。時諸部蠻

視鳳爲向背。緬亦倚鳳爲心腹。鳳旣降。諸部俱殺緬。使

來歸。縉率兵進緬，直抵阿瓦。

城名。爲緬中五城之一。

應裏退走。阿

瓦酋猛勾詣縉降。猛勾應裏從父也。遂班師獻俘于朝。

鳳伏誅。

未幾緬復熾。進據孟養。蠻莫官軍戰却之。巡撫陳用賓築八關于騰衝。列兵戍守。募人至暹羅。

約夾攻緬。久之。緬爲暹羅所困。勢頓衰。然近緬諸部仍服屬之。終明世不能復。

籍張居正家。

御史羊可立。

汝陽人。

復追論居正構陷遼王。王妃因上疏

訟冤。言遼邸金寶悉入居正家。帝命司禮監張誠等詣

荊州籍居正家。守令先期錄人口。錮其門。子女餓死者

十餘輩。誠等盡括其親族所有。得黃金可一萬。白金十

餘萬。長子禮部主事敬修不勝拷掠。自縊死。事聞。申時

行等與六卿大臣合疏請少緩之。刑部尚書潘季馴復

特疏言。居正母年逾八旬。日暮莫必其命。語尤激楚。于是詔留空宅一所。田十頃。贍其母。而盡削居正官。奪璽書詔命。以罪狀示天下。其弟都指揮居易。子編修嗣修。俱戍極邊。諸以忤居正罷黜者。俱召還。初言路爲居正所抑。至是爭礪鋒銳。博擊當路。可立與李植江東之並。荷帝寵。三人更相結。寸頗引吳中行。趙用賢。沈思孝爲重。執政惡之。未幾御史丁此呂劾侍郎高啟愚主試。以舜亦以命禹爲題。爲居正勸進。帝手疏示申時行。時行言此呂以曖昧陷人大逆。恐讒言踵至。非清明之朝所宜有。尙書楊巍因請出此呂于外。植東之交章劾時行。巍蔽塞言路。帝爲罷啟愚。留此呂。時行魏求去。余有丁言。大臣國體所繫。今以羣言留此呂。恐無以安時行。巍心。帝乃聽巍出此呂于外。許國尤不勝憤。專疏求去。言昔之專恣在權貴。今乃在下僚。昔顛倒是非在小人。今乃在君子。意氣感激。偶成一二事。遂自負不世之節。號召浮薄喜事之人。黨同伐異。罔上行私。其風漸不可長。意蓋指中行用賢等也。自是言官與政府日相水火矣。丁此呂字右武。新建人。高啟愚銅梁人。楊巍字伯謙。海豐人。

冬十月。余有丁卒。

諡文敏。

十二月。以王錫爵爲禮部尙書。兼文淵閣大學士。王家屏爲吏部侍郎。兼東閣大學士。並預機務。

錫爵因救論奪情諸臣。積忤張居正。以禮部侍郎家居。五年不出。至是。卽家起之。家屏前爲日講官。敷奏剴摯。

帝斂容受之。稱爲端士。及是。遂以吏部侍郎入閣。去史

官僅二年。

先是李植江東之。與申時行相構。以錫爵負時望。且素惡居正。當與時行貳。故力推之。比

錫爵至。乃與時行合。弗善。植等植等由是大恨。

詔以陳獻章胡居仁

字叔心。餘干人。

王守仁從祀孔廟。

申時行等言。守仁言致知出大學。良知出孟子。陳獻章言主靜。沿宋儒周敦頤程顥。且孝弟出處如獻章文章。

功業如守仁。純心篤行如胡居仁。

居仁聞吳與弼講學崇仁往從之游絕意

仕進其學以主忠信為先求放心為要闇修自守布衣終其身並宜崇祀從之終明世

從祀文廟者薛瑄與守仁等四人

乙酉十三年春三月李成梁襲巴圖爾

舊作巴土兒今改後仿此綽哈大

破之

巴圖爾欲報父蘇巴爾噶之怨借從父綽哈姑婿呼達

舊作花大糾西部伊勒敦並改後仿此等以數萬騎掠瀋

陽既退駐牧遼河欲犯開原鐵嶺成梁與巡撫李松

城大

人潛為浮橋濟師踰塞百五十里疾掩其帳寇已先覺

整眾迎戰成梁為疊陣親督前陣擊寇而松以後陣繼

之斬首八百有奇至秋諸部長復犯蒲河

在奉天府承德縣西北明

置千戶所而西部音登。舊作銀燈。今改。亦窺遼瀋。成梁命部將

李平胡出塞三百五十里。搗破音登營。斬首一百八級。

諸部長聞之。始引去。

以尙寶少卿徐貞明。字孺東。貴溪人。領墾田使。督治京畿水田。

初貞明為給事中。嘗請與西北水利。言神京雄據上游。

水田雖間可行于西北然亦惟平流渟滯者始可引

為灌溉之資非若東南之

隨地可施薄暉也蓋水利

之興必先順水土之性南

方土性橫故施水能行北

方土性立故滲水而入且

南方港汊深澗澗溪演迤

挹注故易為力然未聞舉

長江大澤悉藉以浸彼稻

田也若北地水勢高悍盈

今皆仰給東南豈西北古稱富彊地而不足取之畿內

練卒乎夫賦稅所出括民脂膏而軍船夫役之費常以

數石致一石東南之力竭矣又河流多變運道多梗竊

有隱憂聞陝西河南故渠廢堰在在有之山東諸泉引

之率可成田而畿輔諸郡或支河所經或澗泉自出皆

足以資灌溉北人未習水利惟苦水害不知水害未除

正由水利未興也蓋水聚之則為害散之則為利今順

天真定河間諸郡桑麻之區半為沮洳由上流諸河之

水惟泄于貓兒灣欲其不汎濫而壅塞勢不能也今誠

于上流疏渠濬溝引之灌田以殺水勢下流多開支河

以泄橫流其淀之最下者留以潴水稍高者皆如南人

築圩之制則水利興水患亦除矣至于永平秦州抵滄

涸無常且多係經流獨貫雖支河宜洩止能殺其漫溢之威而堤堰防遏之餘淤沙亦惟聞宜麥槩欲蓄陂塘以收稔穰乃必不然之事也元時虞集首倡水田之議而未收其效已為明驗徐貞明乃欲遍青徐遼海盡起良田實未能審形度勢至其潞水客談所載非不婉媚可聽而修舉未聞臆陳大利紙上空言仍不離乎書生迂濶之見耳

州慶雲地皆荏葦土實膏腴元虞集欲于京東濱海地築塘捍水以成稻田若倣集意招徠南人俾之耕藝北起遼海南濱青齊皆良田也宜特簡憲臣假以事權毋阻浮議需以歲月不取近功或撫窮民而給其牛種或任富室而緩其科征或選擇健卒分建屯營或招徠南人許其占籍俟有成績次及河南山東陝西庶東南轉漕可減西北儲蓄常充國計永無紕矣猫兒灣今在雄縣東時以財匱不能舉及謫官南行御史傳應禎下獄貞明入獄調護坐貶太平府知事又著潞水客談論水利當興者十四事洪流萬頃惟雨暘時若庶幾樂歲無饑此可常恃哉惟水利興而後旱潦有備利一也中人治生必有常稔之田以國家之全盛獨待哺于東南豈計之得哉水利興則餘糧棲畝皆倉庾之積利二也東南轉輸其費數倍若西北有一石之入則東南省數石之輸久則蠲租之詔可下東南民力庶幾稍甦利三也西北無溝洫故河水橫流而民居多沒修復水田則可分河流殺水患利四也西北地平曠寇騎得以長驅若溝洫盡舉則田野皆金湯利五也游民輕去鄉土易于為亂水利興則農業者依田里而游民有所歸利六也招南人以耕西北之田則民均而田亦均利七也東南

多漏役之民。西北徭重徭之苦。以南賦繁而役減。北賦省而徭重也。使田墾而民聚。則賦增而北徭可減。利八也。沿邊諸鎮有積貯。轉輸不煩。利九也。天下浮戶。依富家爲佃客者。何限。募之爲農。而簡之爲兵。屯政無不舉矣。利十也。塞上之卒。土著者少。屯政舉則兵自足。可以省遠募之費。甦班戍之勞。停勾攝之苦。利十一也。宗祿浩繁。勢將難繼。今自中尉以下。量祿之田。使自食其土。爲長子孫計。則宗祿可減。利十二也。修復水利。則倣古井田。可限民名田。而自昔養民之政。漸可舉行。利十三也。民與地均。可倣古比閭族黨之制。而教化漸興。風俗自美。利十四也。旣還朝。給事中王敬民薦之。會巡撫張國彥等。方開水利于薊永間。有效。遂令貞明兼監察御史。

鄆郡

領墾田使。貞明先詣永平。募南人爲倡。及明年二月。已墾三萬九千餘畝。又遍歷諸河。周覽水泉分合。將大行疏濬。而閹人勛戚之占田者。爭言不便。帝惑之。遂罷。

夏四月。京師旱。大雩。

自去年八月不雨。至是月。帝步禱南郊。面諭大學士等曰。天旱雖由朕不德。亦天下有司貪婪剝害小民。以致上干天和。今後宜慎選有司。乃詔中外理冤抑。免天下被災田租一歲。先是李植等疏劾尚書潘季馴朋奸罔上。詔削季馴籍。擢植太僕少卿。江東之光祿少卿。羊可立尚寶少卿。至是御史蔡系周以旱上疏劾植。且言陛下欲雪枉而刑部尚書謂季馴也。于是東之抗今日之旱。蓋實由植所稱尚書。謂季馴也。于是東之抗疏求罷。可立復代為植辨。給事御史齊世臣吳定等交章劾之。帝報曰。朕方憂旱。諸臣何得紛爭。乃已。

秋七月。雷震郊壇。

八月。京師地震。

閏九月。帝詣大峪山。閱壽宮。

初。帝謁山陵。用禮部尚書徐學謨。字叔明。蘇州府嘉定人。言將卜。

壽宮于大峪。

在十一年。

時李植以巡按御史扈行閱視。謂其

地未善。欲與江東之疏爭。不果。既而帝再臨視。

在十二年。

遂

作宮。役既興矣。

在是年八月。

植以壽宮有石。申時行與學謨

姻。故主之。可用是罪也。乃與東之。羊可立。合疏上言。地

果吉。則不宜有石。有石。則宜奏請改圖。乃學謨以私意

主其議。時行以親故贊其成。非大臣謀國之忠。時行奏

辯。車駕初閱時。植東之。不言。今已二年。忽創此議。其借

事傾臣明甚。帝責三人。奪俸半歲。未幾。復以王錫爵言。

貶三人官。

錫爵具奏不平者八事。大畧言張馮之獄。上意先定。言者適投其會。而輒自附于用賢等。

櫻鱗折檻之黨。且謂舍建言別無人品。建言之中。舍採

撫張馮行事。別無同志。以中人之資。乘一言之會。超越

朝右日尋戈矛。皆不平之大者。帝乃貶植。東之。員外郎。可立。評事。

然猶以植言壽宮有

石恐寶座將置于石上。至是復親詣閱之。終謂大峪吉。

遂調三人于外。

冬十一月。禮科給事中王三餘。安平人。請帝親郊。不從。

三餘請帝親郊。以答天戒。帝怒其奏請不早。詰責之。仍

遣官代。

時帝累詔稱疾。郊祀廟享多弗躬親。明年禮部主事盧洪春以帝不時享太廟。上疏極諫。帝震怒。傳諭內閣百餘言。責洪春悖妄。命擬旨治罪。閣臣擬

奪官。不從。杖斥為民。給事御史先後申救。奪俸有差。

盧洪春字思

仁。東陽人。

丙十四年春二月。冊鄭氏。大興人。為皇貴妃。三月。禁部曹言

事。

妃有殊寵。生子常洵。進封皇貴妃。而王恭妃生皇長子。已五歲。不益封。中外籍籍。疑帝將立愛。給事中姜應麟。

字泰符。

慈谿人。首抗疏請立元嗣爲東宮。貶廣昌。

漢置縣。隋改飛狐。明洪武

初復曰廣昌。

今縣屬易州。典史大學士申時行率同列再請建儲。不

聽。時帝以旱癘下詔求直言。郎官劉復初。

高陵人。

李懋檉

字克蒼。

安溪人。等顯侵貴妃。時行請帝下詔令諸曹建言止及

所司職掌。聽其長擇而獻之。不得專達。帝甚悅之。于是

言者蠶起。皆指斥宮闈。攻擊執政。帝概置不問。門戶之

禍大起。

夏六月。松茂番平。

松茂諸番列砦四十八。歲爲吏民患。王廷瞻

字雅表。撫黃岡人。

蜀時嘗遣將擊破。丟骨人荒。沒舌三砦。諸酋乃降。故事。

諸番歲有賞賚。番要索無已。

其所索例有新班錢。熱衣錢。架梁錢。躡草錢。放狗錢。

周官大事從長小事專達。特爲服官課績而言若諫官職司獻替則據事披陳宜務申自靖之義古稱臺無長官正爲政府副封力杜門戶惡習也時行逆揣上指令諸曹不得專達聽其長擇而獻之是不惟啟黨援之漸且愈激煬蔽之奸卒之疏不進御則建言者明知披覽弗親益可譎張爲幻且藉以攻擊吳已而盜名立勢無所忌憚何異揚湯止沸哉

掛綵錢。廷瞻一切除之。西陲稍靖。僅六七年。勢復猖獗。斷酒錢。

十三年夏。楊柳番入犯金瓶堡。

在今四川龍安府松潘廳南。

殺守將。

巡撫雒遵。

字道行。涇陽人。

遣總兵官李應祥。

湖廣九谿衛人。

討定之。番

恃強。剽如故。會徐元泰。

宣城人。

代遵撫蜀。使使檄諭番不

應。是年春。復攻蒲江關。

今名鎮江關。在松潘廳南。

守將出擊。賊稍解。

東南路始通。元泰決計大征。遣遊擊周于德。邊之垣。總

兵郭成。參將朱文達等。將諸路兵進討。命應祥居中節

制。應祥于軍中樹赤白幟各一下。令良民陷賊者。徒手

立赤幟下。熟番不附賊者。徒手立白幟下。即免罪。番遇

急不相救。官軍連破河東河西諸賊巢。擒賊渠三十餘

人。俘馘千計。

之垣祖輪嘉靖初。以指揮討茹兒賊。被殺。漆其頭為飲器。及是六十年。之垣乃得之。

以還。至是班師。明年又討破建昌。

注見前。

諸番及邛部

今寧

遠府越

屬夷以其地置屏山縣。

今屬敘州府。

蜀中劇寇盡平。

秋九月王家屏罷。

家屏遭繼母憂。詔賜銀幣。馳傳歸。

冬十一月祀南郊。

丁亥十五年春三月。詔徹哩克。

舊作捨力克。今改。後仿此。

襲封順義王。

初諳達死。徹辰汗。

舊作乞慶哈。即黃台吉改名。

襲至是。徹辰汗死。子

徹哩克襲其妻三娘子。即諳達所奪之外孫女而為婦

者也。歷配三王。主兵柄。為中國守邊保塞。諸部畏服之。

帝嘉其功。封忠順夫人。

夏四月。旱。京師地震。

六月京師大雨。

溺人民無算。命順天府賑恤。

秋七月。江南水。江北。山西。陝西。河南。山東。旱。

時所在災荒。河北尤甚。戶部右侍郎孫丕揚字叔孝。富平人。上

言。海內困加。派宜寬賦節用。損上益下。以培蒼生大命。帝感其言。頗有所減罷。

九月丁亥朔。日食不見。

冬十月。南京右都御史海瑞卒。諡忠介。

初瑞自南京謝病歸。高拱。張居正。相繼當國。俱憚瑞峭直。中外交薦卒不召。及居正卒。吏部始擬用。累遷南京右都御史。瑞力矯偷惰。百司惴恐。至是卒。僉都御史王

用汲

字明受。晉江人。

入視葛幃敝簾有寒士所不堪者。因醵金

爲斂。百姓罷市。送者數百里不絕。

瑞生平爲學。以剛爲目。白號剛峯。天下識

與不識。咸稱剛峯先生。

戊子

十六年春三月。詔改景泰實錄。去郕戾王號。不果行。

時上下偷惰。詔勅多不奉行。景泰實錄終明世未嘗改也。

南畿。浙江。山西。陝西。河南。大饑疫。

起前尙書潘季馴爲右都御史。總督河道。

季馴前爲李植所劾。落職爲民。御史李棟上疏訟曰。隆慶間。河決崔鎮。爲運道梗。數年以來。民居旣奠。河水安流。咸曰。此潘尙書功也。昔先臣宋禮治會通河。至于今。

是賴季馴功不在禮下。乃當身存之日。使與編戶齒。寧不隳諸臣任事之心。失朝廷報功之典。其後論薦者不已。遂起季馴右都御史。總督河道。自吳桂芳後。河漕皆總理。至是復設專官。尋加季馴工部尚書。

秋八月壬午朔日食。

冬十二月杖給事中李沂

字景魯嘉魚人

于廷斥爲民。

中官張鯨掌東廠橫肆無憚。御史何出光劾鯨死罪八。并及其黨錦衣都督劉守有序。班邢尙智。尙智論死。守有除名。而鯨竟不罪。任職如故。外議謂鯨以金寶獻帝。獲免。沂拜官甫一月。卽上疏言之。畧曰陛下富有四海豈徇請乞及見明旨許鯨策勵供事外議籍籍遂謂爲真虧損聖德夫豈淺鮮且鯨奸謀旣遂恐國家之禍將

從此始。帝得疏震怒。謂沂欲爲馮保張居正報讐。立下詔獄嚴鞫。閣臣申時行等乞宥。不從。讞上。詔廷杖六十。斥爲民。馮保獲罪。實鯨爲之。故帝云然。或曰。張誠與鯨交惡。授章言者攻之。鯨迫衆論。不得已乞罷。乃命私家閒住。未幾復召入。

己丑十七年春正月己酉朔日食。

時以日食免朝賀。嗣後每元旦皆不視朝。

三月免陞授官面謝。

自是臨御遂簡。

夏四月召王家屏復入閣。

家屏服甫闋。詔進禮部尙書。遣行人召還。抵京師三月。

授官面謝不特爲感激上恩禮節應爾且可因召對咨詢衡人材而重官守也神宗能免此制特欲遂其高居簡出之私而下情竟成否塞甚矣王家屏以閣臣起用三月難希一見僕

僕疏請始為御門延接臂
之元首股肱血脈不相貫
注其人尚可冀其無疾乎
明之亡亡于神宗非過論
也

未得見家屏以為言帝遣中官諭家屏將矣以忠愛家屏
疏謝請帝視朝居數日帝為一御門延見自是益深居
不出矣

六月賑南畿浙江饑

南畿久旱浙江大風海溢既而亦旱發帑金八十萬賑
之

庚寅十八年春正月召見申時行等于毓德宮斥大理評事

雒于仁字少經涇陽人為民

于仁疏上洒色財氣四箴直攻帝失疏言臣備官歲餘

此外惟聞聖體違和一切傳免郊祀廟享遣官代行政
事不親講筵久輟臣知陛下之疾所以致之者有由也
臣聞嗜酒則腐腸戀色則伐性貪財則喪志尚氣則戕
生陛下八珍在御觴酌是耽卜晝不足繼以長夜此其

言官建白果當自應加之
采擇若其營私沽直亦宜
明正厥罪以儆官邪雖于
仁指斥神宗則病頗為切
中特其詞意異為過激耳
時行身兼國成乃不為剖
悉陳之專務模稜欲使言
者自去在神宗既未悟直
言之當受卽于仁亦不為
忠告之有方於君臣兩無

病在嗜酒也。寵十俊以啟倖門。溺鄭妃。靡言不聽。忠謀
擯斥。儲位久虛。此其病在戀色也。傳索帑金。括取幣帛。
甚且掠問宦官。有獻則已。無則譴怒。李沂之瘡痍未平。
而張鯨之貲賄復入。此其病在貪財也。今日擄宮女。明
日扶中官。罪狀未明。立斃杖下。又宿怨藏怒于直臣。如
范雎。姜應麟。孫如法輩。皆一詘不申。賜環無日。此其病
在尚氣也。四者之病。膠繞身心。豈藥石所能治。臣今敢
以四箴獻陛下。肯用臣言。即立誅臣身。臣雖死猶生也。
人。十俊。時有十小閹被寵。謂之十俊。范雎。字國士。高安
人。以疏陳時政被斥。孫如法。字世行。餘姚人。以諫鄭貴
妃進封。如進封。帝震怒。將加嚴譴。會歲暮。留其疏十日。及是元
旦。召見申時行等。分析之。時行請毋下其章。而諷令于
仁自引去。遂斥為民。自此章奏留中。遂成故事。是日。帝
宣皇長子出見。時行請早定大計。帝猶豫久之。乃曰。朕
不喜激聒。近閱諸臣所奏。惡其離間父子。故概置之。若
諸臣不復奏擾。當以後年冊立。否則。俟皇長子十五歲。

裨益徒使奏牘留中釀成
傲政卒致瘵痺日深浸尋
不起病雖自致而庸醫之
誤時行輩實預行責焉

舉行時行因戒廷臣毋瀆擾

二月罷日講

帝每遇講期多傳免申時行請免講日仍進講章以備
觀覽自後講筵遂永罷

三月以宋纁

字伯敬商印人

為吏部尚書

纁前為戶部五年值四方多災酌盈虛籌緩急上下賴

之

石星代為戶部語纁曰某郡有羨餘可濟國用纁曰朝廷錢穀寧積久不用勿使搜括無餘上知物力充

羨則侈心生矣時中外陳奏帝多不省或直言指斥亦不罪于慎行稱帝寬大纁曰言官極論得失要使人主動心縱罪及言官上意猶有所徹省概置弗問則如痿痺不可療矣石星于帝初元起故官累進尚書及

移吏部絕請託獎廉抑貪痛懲黠吏于政府一無所關

白屢乞休不允卒官

諡莊敬

夏六月青海酋浩爾齊

舊作火落赤。今改。後倣此。犯邊。

自諳達西掠諸番。番人不支。輸款于虜。虜騎遂數入番

中。至是套部章圖哩

舊作莊。禿賴。

等據水塘

青海地。

布色圖

舊

卜失土。

浩爾齊等

據奔拉

舊作莽。今改。

聶恭

舊作捏。今改。

兩川

皆

水支流。隨地易名。

浩爾齊尤黠傑。數犯甘涼。岷洮西寧間已而

進圍舊洮州

即古洮陽城。在洮州衛西南。臨洮水。

副將李聯芳

洮陽人。

戰沒

尋復掠河州。臨洮渭源官軍禦之。敗績。西陲大震。時徹

哩克勢衰。亦為布色圖等所誘。西行遠邊。

初諳達建寺。青海。奏于朝。

賜名仰華。至是徹哩克以赴仰華。為名。西至青海。諸部咸挾以為重。

帝惡之。詔停市賞

秋七月庚子朔日食。

命兵部尚書鄭雒

字禹秀。安肅人。

經畧邊防。

維前督宣大軍。撫順義王。及忠順夫人有恩。故用之。徹。

辰汗襲封。年老且病。欲妻三娘子。三娘子不從。率衆西走。徹辰汗追之。貢市久不至。維計三娘子別屬。則徹辰

汗雖王無益。乃使人語之曰。夫人能歸王。不失恩寵。否則塞上一婦人耳。三娘子聽命。貢市惟謹。徹辰汗死。徹

哩克當襲。三娘子自以年長。練兵萬人。築城別居。維恐貢市無主。復諭徹哩克曰。夫人三世歸順。汝能與之匹。

則王不然。封別有屬也。徹哩克盡逐諸妾。復妻三娘子。遂嗣封。維以洮河之難。由縱虜

入青海所致。乃馳詣甘肅。下令曰。北部自青海歸巢者。

聽假道。自巢入青海者。卽勒兵拒之。未幾。布色圖欲趨

青海。維設伏掩擊之。布色圖僅以身免。章圖哩後至。聞

之。亦退去。于是大布招番之令。歸附者日衆。乃進兵青

海。逐浩爾齊諸部。而諭徹哩克縛獻首叛。踰二年。徹哩

克以史二中國叛人。等來獻。命復其市賞。

辛卯十九年春閏三月彗星見。

夏四月朔享太廟。

是後廟祀皆遣代。

六月王錫爵罷。

錫爵初還朝申時行為首輔許國錫爵次之三人皆南畿人錫爵又與時行同郡且同舉進士相得甚然時行

柔和而錫爵性剛負氣十六年子衡

字辰玉

舉順天試第

一。郎官高桂饒仲

字仰之進賢人

論之

時庶子黃洪憲典試時行婿李鴻亦預選桂摘

可疑者八人并及衡請俱覆試禮部侍郎于慎行列甲乙以上閣臣調白盡留之衡少有文名為舉首才自稱

因被論遂不復會試至二十九年錫爵罷官已久始舉

會試第二人廷試亦第二授編修黃洪憲字懋忠秀

水錫爵連章辭託語極忿仲桂皆得罪以是積與廷論

忤十八年。錫爵疏請豫教元子。錄用言官姜應麟等。不報。遂因旱乞罷。帝不許。及浩爾齊犯邊。議者爭請用兵。錫爵與申時行主欸。失帝意。未幾。又偕同列請建儲不得。遂以母老乞歸。

秋。畿內蝗。

九月。申時行。許國。罷。

先是。廷臣爭請建儲。得旨于二十年春舉行。至是。工部

主事張有德

祥符人。

預以儀注請。帝怒。奪有德俸。時申時

行方在告。許國與王家屏慮事中變。欲因而就之。引前

旨爭。首列時行名。時行聞帝怒。密疏言。臣方在告。實不

與知。給事中羅大紘

字公廓。吉水人。

劾時行。陽附廷臣請立之

申時行許國因議論齟齬
遂各令門生露章奏劾以
違心報復均乖大臣公正
之道至申許計籌邊事主
款固不如主勦識見高下
自是判然當時乃以兩人
去位之故妄形軒輊轉不
得據為定論獨是時行承
張居正振厲之後不能效
美規隨惟一切務為苟且
馴致上下恬熙廢弛日甚
紀綱遂以無存其寬大因
循其實無可解免而朝

議陰為自交宮掖之謀。歙人黃正賓者。以貲為中書舍

人。思立奇節。自附清流。見大紘疏。亦抗章詆時行。帝怒。

斥大紘。正賓為民。時行力求罷。而國與家屏。又以建儲

請。帝責大臣不當與小臣比。遂罷國。未幾。時行亦罷。國

與時行無嫌。然性本強。遇事輒發。力詆言事諸臣。士論

頗不附。浩爾齊犯邊。時行主款。國獨謂寇偷盟犯順。宜

一大創之。帝心然。國言。以時行方柄政。不能奪。會時行

門生給事中任讓。論國庸鄙。而國門生萬國欽。又論時

行以圖報復。至是。國與時行並罷。論者謂國之去。以爭

執。差勝于時行之。以被劾去也。初。張居正卒。時行與張

四維相繼當國。時行欲以寬大收人心。召用老成。布列

庶位。朝論多稱之。然政令務承帝指。不能有所匡正。又

罷居正所行考成法。一切務為簡易。由是上下恬熙。法

紀漸不振。歸後。里居最久。至帝四十二年始卒。贈太師。

諡文定。國在閣九年。廉慎自守。故累遭攻擊。不能被以

汙名。及卒。贈太保。諡文穆。萬國欽。字二愚。新建人。

以趙志臯為禮部尚書。張位為吏部侍郎。並兼東閣大學

論轉亟稱之。可見末流風尚大率皆庸庸無識者居多耳。

士預機務。

由時行既謝政。密薦志皐位。自代。遂用之。吏部尚書陸光祖言。舊制閣臣必由廷推。若令一人密薦。恐開植黨之門。志皐位。因疏辭。帝不允。

冬十一月。遼東總兵官李成梁罷。

十七年以後。土默特結西部數入寇。將弁多戰沒。成梁又潛兵出塞。襲虜。遇伏。死者千餘人。仍報首功。增爵廕。敵再入海州。成梁不敢擊。縱掠數日而去。是年閏三月。成梁乘給事中侯先春無錫人閱邊。謀邀搗巢功。遣副將李寧襲破拜牲。還師遇敵。死者又數千。爲巡按御史胡克儉所劾。及先春還朝。尤力詆之。遂罷成梁官。以寧遠

時在廷力爭國本舉國若狂惟李獻可疏請豫教其語尤為近理士庶之子未有年逾幼學而不就傅者况皇子元良之重顧不使典學親師而日與閹宦為伍所損實多神宗惑于內寵于養正育德之義概置不問何怪乎光宗身處危疑全無動忍一臨御而不能自主也

伯奉朝請

壬辰

二十年春正月杖給事中孟養浩

字義甫湖廣威寧人

除其名

時禮科給事中李獻可

字堯俞同安人

疏請豫教言元子年十

有一矣豫教之典當及首春舉行倘謂內廷足可誦讀

近侍亦堪輔導則禁闥幽閒豈若外朝之清肅內臣忠

敬何如師保之尊嚴疏入帝大怒摘疏中誤書弘治年

號責以違旨侮君貶一秩調外于是六科給事中鍾羽

正

字叔廉益都人

舒弘緒

通山人

陳尙象

都勻人

丁懋遜

需化人

張棟

崑山

人

吳之佳

長洲人

楊其休

青城人

葉初春

吳縣人

及御史

鄒德泳

字汝聖安福人

各具疏救而養浩言尤力命錦衣衛杖

之百削籍為民

養浩等既逐言者未已禮部員外郎董嗣成御史賈名儒陳禹謨給事中李周

策復先後論諫。咸被譴。董嗣成。烏程人。賈名儒。真定人。陳禹謨。仁和人。李周策。吳江人。

三月。巴拜。舊作唵拜。今改。後倣此。據寧夏反。

巴拜故韃靼種。嘉靖中。巴拜得罪其酋長。來降。屢立戰功。官都指揮。帝十七年。巴拜老。加副總兵致仕。子承恩襲巴拜。雖告老。而多畜亡命。承恩性狠戾。十九年。洮河告警。巡邊御史周弘禴。字元孚。麻城人。舉承恩及指揮王文秀。并巴拜義子布延。舊作唵雲。今改。後倣此。等。巡撫黨馨。益都人。檄文秀西援。巴拜謁經畧鄭雒。願與子承恩從出師。馨惡其自薦。抑損之。巴拜以故心怨。至金城。見諸鎮兵皆出其下。比賊退。取道塞外還。寇騎遇之皆辟易。遂有輕中外心。馨欲按承恩冒糧罪。又以承恩娶民女為妾。笞之二

十。會成卒衣糧久弗給。巴拜遂嗾軍鋒劉東陽靖魯衛人許

朝等作亂。是年二月。殺馨。及副使石繼芳。逼總兵張維

忠自縊死。東陽自稱總兵。奉巴拜為謀主。承恩朝為左

右副將。布延文秀為左參將。承恩遂陷玉泉營。與下靈州

花馬池。注並見前。及廣武河西四十七堡皆陷。惟土文秀徇平

魯。今平羅縣。屬寧夏府。參將蕭如薰字季馨。延安衛人。堅守不下。如薰妻楊氏盡

出簪珥。勞軍士妻。帥之守城。賊攻圍數月。竟不能克。賊率兵渡河。欲取靈州。又竄

金帛。誘河套卓哩克圖。舊作著力兔。今改。後倣此。等。許以花馬池一

帶。聽其駐牧。勢甚猖獗。全陝震動。

王家屏罷。

李獻可之謫。家屏封還御批力諫。帝怒。家屏引疾乞罷。

王家屏身為閣臣。果知李獻可貶謫之非。自當正言。

婉諫乃前此緘默無語及御批既下竟爾封還不受實爲非體夫絲綸宣布奉行自有成規若不能匡救于未形而顯然抗違詔旨則臣志日專而主威日替其弊有不可勝言者厥後科臣效尤竟視封駁爲常事刑賞大柄幾不能操之自上積習鋼蔽國事遂漸以淪胥明社之墟蓋其紀綱固已先亡矣

帝責家屏希名託疾家屏復奏言名非臣所敢棄臣所希者陛下爲堯舜之君臣爲堯舜之臣則名垂千載沒正政亂莫匡國家奚賴焉更使臣棄名不顧逢迎爲悅阿諛取容計敬宗李林甫之姦佞無不可爲矣帝益不悅遣內侍至其邸責之于是求去益力詔馳傳歸家屏柄政止半載以慝直去國朝野惜焉

夏四月總督河道尙書潘季馴罷

季馴四任治河前後二十七年習知地形水勢以借水衝沙築隄束水爲河漕兼利之策下至木石椿埽綜理纖悉以勞疾累疏乞休不允至是泗州大水與撫按議濬治不合得請歸後三年卒

五月倭陷朝鮮

倭酋平秀吉

薩摩州人

起人奴。初隨倭關白

倭國官名。猶言丞相。信長。

爲信長畫策。奪二十餘州。會信長爲其下所弑。秀吉遂

統其兵。自號關白。刼降六十餘州。窺朝鮮無備。分遣行

長。清正等。率舟師從對馬島。

方輿紀要。日本國海曲部。有伊岐對馬。多藝三島。爲

北境

盡處。逼金山鎮。

在朝鮮東萊縣南。濱大海。與日本對馬島相望。

時朝鮮承平久

兵不習戰。其王李昖。又酒廢弛。島夷猝至。望風皆潰。

棄王城。奔平壤。令次子琿攝國事。已復走義州。

在平壤西北濱

鴨綠

江。七月。倭遂入王京。刼王子陪臣。掠府庫。八道

京畿江原

黃海全羅慶尙忠清咸鏡平安凡八

幾盡沒。旦暮渡鴨綠江。請援之。使絡

繹于道。廷議以朝鮮爲國藩蔽。在所必爭。遣行人諭昖

以興復大義。揚言大兵且至。而倭業抵平壤。遊擊史儒

等率師至戰死。副總兵祖承訓援之。僅以身免。中朝震

動。乃詔兵部右侍郎宋應昌。

字桐岡。仁和人。

經畧備倭軍務以

救之。

八月倭入豐德等郡。兵部尚書石星計無所出。議遣人偵之。于是嘉興人沈惟敬應募。惟敬者市中

無賴也。是時平秀吉次對馬島。分其將行長等守要害。

惟敬至平壤。行長跪曰。天朝幸按兵不動。我亦不久當

還。當以大同江為界。平壤以西。盡歸朝鮮耳。惟敬以聞。

廷議以倭詐難信。趣應昌進兵。而石星頗惑其言。假惟

敬遊擊。赴軍前。且請金行間。豐德郡在國城

南。屬京畿道。大同江在平壤城東。亦名大通江。

秋九月寧夏賊平。

巴拜叛。總督魏學曾

字惟貫。涇陽人。

檄副總兵李昫率兵進剿。

諸堡皆次第收復。惟寧夏鎮城猶為賊據。會套部卓哩

克圖等控弦三千騎至。賊益掠城中子女饋之。套人揚

言已與布王子為一家。布延引卓哩克圖攻平虜堡。參

將蕭如薰伏兵南關。佯敗以誘之。射布延死。套部遂遁。

出塞。四月。以蕭如薰爲總兵。調麻貴大同右衛人。爲副總兵。

率兵抵鎮城。帝復用石星言。賜學曾尙方劍督戰。御史

梅國楨字克生。麻城人。薦李如松字子茂。成梁子。忠勇可任。遂令如松

總寧夏兵。國楨監之。會寧夏巡撫朱正色南和人。甘肅巡

撫葉夢熊字男兆。歸善人。皆先後至軍。並逼城下。學曾與夢熊

定計。決黃河大壩水灌之。城外水深八九尺。賊懼。陽求

撫以緩我師。而仍結套部爲助。七月。布色圖章圖哩以

三萬騎犯定邊小鹽池。在寧夏府靈州東南。別遣宰桑舊作宰僧。今改。後倣

此。以萬騎從花馬池西沙湃口入。爲巴拜聲援。學曾令

麻貴等分擊之。皆敗去。八月。卓哩克圖復入李剛堡。在寧

夏府平如松等擊之追奔至賀蘭山賊援遂絕會給事

羅縣南

中許子偉

瓊山人。勅學曾惑于招撫。悞國事。先是學曾欲招劉東暘許

朝使殺巴拜父子贖罪遣卒葉得新往學曾留固原十

日以俟之得新旋被害帝責學曾玩寇學曾前上疏請

令監軍無與兵事梅國楨憾之國楨至軍遂劾諸

將觀望而并及學曾玩寇匿敗之罪帝遂大怒學曾

被逮以夢熊代之賊被圍食盡城受水浸益大圯國楨

用間給東暘朝承恩使互相殺以降許貫其罪三人互

猜疑全是東暘朝遂誘殺承恩黨土文秀承恩亦與其

黨周國柱誘東暘朝殺之開門降如松率兵圍巴拜家

巴拜自縊死俘承恩等至京師磔于市學曾被逮不一

月而賊平敘勞復其官致仕葉夢熊朱正色梅國楨各

予世廕武臣李如松蕭如薰等加恩有差

如薰爲將持重後更歷七

重資格而輕武途自是故
明臨習自張居正振飭邊

備假以事權稍有起色隆
萬之間如譚綸俞大猷戚
繼光輩頗能以功名自顯
然文武本自殊科果其將
畧克嫻自足克敵致果若
依附文墨專以緩帶輕裘
雅歌投壺為尚其流弊猶
有極耶繼光如薰以詩名
延納賓士甚且用軍府之
貲揮霍無忌其得免償師
之誅幸矣一時艷稱風會
豈堪復問

從世居仁退錄

卷之二十一

三

鎮所在見稱自隆慶後款市既成邊燧少警輦下視鎮
帥為外府山人雜流乞朝士尺牘往者無不饜所欲爾
鎮戚繼光有能詩名尤好延納名士如薰亦能詩賓座
常滿妻楊氏至脫簪珥供客猶不給一時風會所尚諸
識者嘆焉

冬十月以李如松充防海禦倭總兵官救朝鮮

如松弟如栢

字子貞

如梅

字子清

並率師援剿以十二月至

軍會沈惟敬自倭歸復伸封貢之請如松叱惟敬儼邪

欲斬之參謀李應試曰藉惟敬給倭封而陰襲之奇計

也如松以為然乃置惟敬于營誓師渡江明年正月次

肅寧館

在平壤西北

行長以為封使至遣牙將來迎進次平

壤行長猶未覺竚風月樓以待如松分布諸軍掘平壤

城諸將逡巡未入形大露倭悉登陴拒守如松令諸軍

圍之以倭素輕朝鮮軍。令祖承訓諱爲其裝。伏西南。令遊擊吳惟忠攻迤北牡丹峯。而如松親提大軍攻其東。南軍少却。如松斬先退者以徇。募死士。援鉤梯直上。倭方輕南面軍。承訓等忽卸裝露甲。倭大驚。急分兵捍拒。如松如栢等已分道並入。如松馬斃于礮。易馬躍塹而上。麾兵益進。遂克其城。行長渡大同江遁。已而如栢復開城。屬朝鮮京畿道所失四道並復。官軍旣連勝。有輕敵心。朝鮮人有以敵已棄王京遁告者。如松信之。將輕騎趨碧蹕館。在朝鮮國城西猝遇倭。圍之數重。如松幾不免。官軍喪失甚多。乃退駐開城。如松令諸將分據要害。聞倭積粟數十萬在龍山。乃密遣死士焚之。倭遂乏食。然如松旣敗。氣大索應昌亦卽欲休息。于是沈惟敬封貢之議復行。其年四月。倭以糧盡棄王京。如松

與應昌入城。將遣兵尾擊之。而倭步步為營。官軍不敢擊。倭結營金山。為久留計。時兵部尚書石星力主欸議。獨留劉綎拒守。如松乃班師。龍山在朝鮮國城東南。

癸巳二十一年春正月。召王錫爵復入閣。

錫爵至。密請建儲以踐大信。帝手詔欲待嫡子。令元子

與兩弟。

皇三子常洵。鄭貴妃出。皇五子常浩。周端妃出。

且並封為王。錫爵懼失

上指。立奉詔擬旨進。又外慮公論。因言漢明帝馬后。唐

明皇王后。宋真宗劉后。皆養諸妃子為子。請令皇后撫

育元子。而生母不必崇位號。以上壓皇貴妃。亦擬旨進。

帝竟下前諭。令有司具儀。于是舉朝大譁。禮部尚書羅

萬化。

字一甫。會稽人。

給事中史孟麟。

字際明。宜興人。

等詣錫爵力爭。廷

臣諫者。章日數上。錫爵偕趙志臯。張位。請追還前詔。帝

銓舉職惟在守法奉公
使胥吏不能高下其手庶
得守官之正若史所稱選
人之權或歸之政府或散
諸九卿一似攬奪轉移惟
勢是視此復成何政體至
卿寺大僚久應簡在帝心
列名上請猶為循用舊典
乃當日孫鑰等大計專擅
去留不稟上裁而張位等
又欲以大缺各舉所知俾

不從既而諫者益衆岳元聲

字之初嘉興人

顧允成

字季時無錫人等

十餘人遮錫爵于朝面爭之錫爵請下廷議不許請面
對亦不報因自劾求罷帝亦迫公議追寢前命命少俟

二三年舉行

秋七月吏部尙書孫鑰

字文中燧之孫罷

初張居正當國吏部權漸輕及宋纁陸光祖相繼爲尙
書稍自振飭至鑰守益堅閣臣張位等欲奪其權建議
大僚缺九卿各舉一人類奏以聽上裁鑰爭之不能得
自是吏部權又漸散之九卿矣會大計京朝官鑰與考
功郎中趙南星

字夢白高邑人

力杜請謁員外郎呂允昌

餘姚人

鑰甥也首斥之南星亦斥其姻給事中王三餘一時公

九列皆參其議蓋由明李君臣際隔官聯之賢否茫然莫辨轉不得不以魁柄授人深可歎也

後世公不遠千里

卷之二十一

三

論所不予者貶斥殆盡而大學士趙志臯弟預焉王錫爵以首輔還朝欲有所庇比至而察疏已上庇者皆在

黜中由是閣臣皆憾會言官論劾員外郎虞淳熙杭州右衛

人郎中楊于廷全椒人主事袁黃嘉善人鑰議留淳熙于廷

給事中劉道隆潛江人遂劾南星專權植黨貶南星三秩

鑰亦奪俸遂連疏乞休去左都御史李世達以已同掌

僉都御史王汝訓石通政魏允貞等交章論救而員外

郎陳泰來言尤切帝怒斥南星為民泰來等皆被謫

李世達字子成涇陽人王汝訓字古

師聊城人陳泰來字伯符平湖人

八月彗星見紫微

冬十一月召見王錫爵于煖閣

皇太后生辰帝御門受賀畢獨召錫爵煖閣勞之曰卿

扶母來京。誠忠孝兩全。錫爵叩頭對曰。臣今日正恐忠孝兩虧。因力請早定國本。帝曰。中宮有出。奈何。對曰。此說在十年前猶可。今元子已十三。尙何待。况自古至今。豈有子弟十三歲。猶不讀書者。帝頗感悟。錫爵因復言。外廷以固寵陰謀。歸之皇貴妃。恐鄭氏舉族不得安。惟陛下深省。帝益心動。未幾。遂有出閣之命。

甲午二十二年春二月。皇長子常洛出閣講學。

輔臣侍班。詞臣六人侍講讀。俱如東宮儀。

河南饑。

吏部郎中顧憲成削籍。

先是羣臣爭建儲。惟士家屏與言者意合。申時行王錫

爵皆死轉調護亦頗以言者為多事並封命下憲成上

疏力爭又遺書錫爵反覆辨論議遂寢孫鑣趙南星主

考察憲成實左右之既遷郎中所推多與政府牴牾至

是王錫爵將謝政會推閣臣憲成舉家屏忤帝意削籍

歸憲成既廢名益高里故有東林書院為宋楊時講道

處憲成與弟允成倡修之常州知府歐陽東鳳無錫知

鳳字千仞潛江人林偕同志高攀龍字存之錢一本字

宰字德衡漳浦人瑞字以身史孟麟于孔兼諸人講學

其中海內聞風景附往往諷議時政裁量人物朝士慕

之亦遙相應和由是東林名大著而忌者亦多憲成嘗

載志不在君父官封疆志不在民生居水邊林下志不

在世道君子無取故講習之餘必及時事後卒以此為

漢唐末造皆有黨禍至明

季而尤烈東林講學實其

權輿在顧憲成高攀龍輩

其人與學未必不出於正

然一經號召生徒樹立標

幟而黨援門戶之禍已成

彼裁量人材諷議時政自

古處士橫議未有過於是

者論者謂閹黨無君子東

林未必無小人蓋當明政

不綱不惟真小人揚其毒

焰而偽君子且益撼其頽

波土崩而國運隨之氣

數所必至有夢之爲而爲
者於東林復何尤

世口實。其後孫丕揚、鄒元標、趙南星等相繼講學。自負氣節。與政府相抗。是爲東林黨議之始。

夏四月己酉朔日食。

五月以禮部尙書陳于陞。

于元忠以勤子。

南京禮部尙書沈一貫。

字肩吾。鄞人。並兼東閣大學士預機務。

于陞少從父以勤習國家故實爲史官益究心經史學。嘗請修國史詔命詞臣分曹類纂以于陞及一貫等總裁之。又嘗請建東宮及時豫教皆不報。一貫充講官時進講高宗諒陰曰託孤寄命必忠貞不二心之臣乃可使百官總已以聽苟非其人。不若躬親聽覽之爲孝也。張居正以爲刺已頗憾一貫及居正卒始遷官以吏部

左侍郎家居。及是。王錫爵將謝政。遂進于陞禮部尙書。起一貫南京禮部尙書。同入閣。

王錫爵罷。

錫爵在閣時。嘗請罷江南織造。停江西陶器。減雲南貢金。力爭不宜用廷杖。爲世所稱。特以阿訖封旨。被物議。旣而趙南星斥。趙用賢放歸。論救者咸被譴責。衆指錫爵爲之。因連章自明。乞罷歸。

秋八月。以孫丕揚爲吏部尙書。

明世常選舉。由吏部一切序遷除授。皆以請乞交關。甚至賄賂。公行量地之美惡。以爲輕重。或體官方敗壞。稱矣。孫丕揚創爲選

丕揚掌吏部。請正不撓。百僚無敢干以私者。獨患中官請謁。乃用雙月法。大選凡聽選及考定陞降者。急選凡授改降丁憂候補歸。于單月。謂之急選。悉聽人自掣。請寄無所容。銓政自

之制不復假手吏胥。掌
干謁之風一時屏絕。實可
號為良法。乃當時眾喙紛
紜。轉詆其失。用人本意是
皆舞弊者。無由逞其高下。
遂深疾銓政之持平。盜憎
主人。謬悠又何足計乎。

是一變。不揚既變。選法一時官禁相傳。以為至公。下逮閭巷莫不翕然稱頌。而議者謂其人材不分高下。地方不論繁簡。而一憑籤注。無異于掩鏡索照。或至作竹籤傳議之。然自其法既行。卒莫能改。竹籤傳常熟顧大

部作。

冬十月。綽哈犯遼東。總兵官董一元

宣府前衛人。擊敗之。

蘇巴爾噶為官軍所殺。其弟綽哈子巴圖爾益結土默特。東西相倚。數侵邊。一元遣部將孫守廉馳右屯。禦西部。而自將大軍。匿鎮武外。為空營以待。敵騎深入。官軍忽從中起。奮擊破之。逐北七十餘里。巴圖爾中矢走。西部亦解去。一元復以歲晏。敵不設備。率健卒踏冰渡河。疾馳四百里。抵虜巢。斬二百餘級。獲牛馬甲仗無算。全師而還。巴圖爾旋死。諸部悉遠遁。

乙未二十三年春正月詔宗室得就試

鄭世子載堦請宗室皆得儒服就試視才器使從之許

奉國中尉以下入試輔國中尉以上爵尊不得與其後

禮臣李廷機字爾張晉江人言封爵科目原自兩途彼既願從

科目入仕應照士子出身資格銓除何拘原爵亦從之

惟不得除京朝官

夏五月京師地震

秋九月青海酋永什卜舊作永邵卜今改後倣此犯甘肅參將達雲涼州

衛人擊敗之

永什卜者順義王諳達從子也部眾強盛先嘗授都督

同知再進龍虎將軍自以貢市在宣化守臣遇已厚不

可逞。乃隨諸達西迎活佛。留據青海。歲為邊患。嘗誘殺副將李魁。邊臣不能報。遂有輕中國心。至是九月九日。度將士必燕飲。擁勁騎直入南川。在西寧府西南。自邊外東北流入境。屬番偵告。雲伏兵要害。令番人繞出朶爾峽外。潛扼其背。而自提精卒二千夾擊。大敗之。斬首七百餘級。其走峽外者。番人殲之。為西陲戰功第一。雲既勝。度寇必復至。厚集以待。踰月。寇果結浩爾。齊諸部。先圍番寨。以誘官軍。番不能支。合于寇。寇遂入犯西寧。西寧軍堅不可破。寇始遁。追奔數十里而還。雲乃招集番人。初與寇合者。七十餘戶。皆復其業。尋進雲總兵官。鎮甘肅。

復建文年號

初。司業王祖嫡。

德州人。

以建文不宜革除。上請。禮部尚書

沈鯉。

字仲化。歸德人。

力贊之。帝不從。至是。禮科給事中楊天民

御批歷代通鑑輯覽卷之二十二

字正甫。山。復以為言。始詔復建文年號。附事蹟于太祖。

實錄之末。未幾南京太常卿沈子木疏言。建文帝御宇五年。顧不得一孟麥飯。下同齊民于誼。未忍

請耐食于懿文太子之側。章下部議。不果行。沈子木歸安人。

淮水溢。浸泗州祖陵。

冬十月。湖廣饑。

丙申二十四年春三月。乾清坤寧兩宮災。

夏。福建饑。

秋七月。仁聖皇太后陳氏崩。

遣中官開礦。

初。畿輔奸民。慫恿中官。多言礦利。大學士申時行力持

不可。至是。承寧夏朝鮮用兵之後。國用大匱。營建兩宮。

國用果有常經。何遽至於匱乏。理財而取資山澤。其謬亦人所共知。且成化時。因開礦之故。致羣盜滿山。前鑒非遙。神宗何以復踵

故轍中使紛紛乘傳威福自如誣逮遍於守臣搜括盡於雞犬國家未收絲毫之益而民間膏血已空元氣遂從此朘削殆盡是猶掇瘡而投以峻劑有不促其亡者乎

計臣束手。前衛千戶仲春請開礦助工。帝允之。自是獻礦峒者踵至。首開畿內。命中官領之。嗣後河南。山西南。直。湖廣。浙江。陝西。四川。遼東。廣東。廣西。江西。福建。雲南。無地不開。中使四出。皆給以關防。併偕原奏官往。礦脉微細。無所得。勒民償之。而奸人假開採之名。乘勢橫索民財。有司稍忤意。輒劾其阻撓逮治。富家巨族。則誣以盜礦。良田美宅。則指爲下有礦脉。卒役圍捕。辱及婦女。其橫暴如此。羣臣屢諫。帝皆不聽。其後又增設各省稅。如天津店稅。廣州珠監。兩淮餘鹽。浙江。福建。廣東。市舶。成都茶鹽。重慶名木。湖口長江船稅。荊州店稅。寶坻魚葦。及門攤商稅等。都邑關津。中使碁布。水陸行數十里。卽樹旗建廠。所至納奸民爲爪牙。肆行殺奪。又立土商名目。窮鄉僻塢。米鹽鷄豕。皆令輸稅。中人之家。大半皆破。由是民不聊生。變亂蠭起。

閏八月乙丑朔日食。

九月葬孝安皇后。

梓宮發引。帝託疾不送。遣官代行。吏部侍郎孫繼皋

德無

員外郎王就學

字所敬無錫人

抗疏諫。帝怒。抵繼皋疏于

地。而置就學疏不省。已而詔吏部甄別郎官。斥就學爲民。繼皋亦罷去。

河決單縣。

時徐泗淮揚間無歲不苦水患。總河楊一魁

安邑人

議分

殺黃流以縱淮。別疏海口以導黃。于是役夫二十萬。開

桃源黃河壩新河。起黃家嘴。

在桃源縣東北

至安東五港灌口。

在安東縣東北

長三百餘里。分洩黃水入海。闢清口沙七里。建

武家墩

注見前

高良礮

在山陽縣西南。由清河澗沙阜橋西入于淮。沙阜橋在清河縣東

南周家橋

在山陽縣西。南高堰上。

石閘洩淮水。三道入海。且引其

支流入江。于是泗陵水患平。而淮場得無患。然一魁專

力挑清淮。泗閘而上。流單縣黃堙口

在今曹州府單縣南。之决如

故。後以黃堙口不塞。致衝祖陵。斥一魁爲民

冬十二月。陳于陛卒。

諡文憲。

于陛在閣。與趙志臯。張位。沈一貫。皆同年生。遇事無齟齬。而帝拒諫益甚。上下否隔。于陛憂形于色。以不能補救。在直廬數太息。視日影至。是以兩宮災。請面對。不報。乞罷。亦不許。以積憂成疾卒。贈少保。

丁酉

二十五年春三月。以楊鎬

商邱人。

爲僉都御史。經畧朝鮮。

軍務

征倭軍既撤。詔以顧養謙

字益卿。江南通州人。

為經畧。養謙亦主

欵。奏言關白宜封為日本王。二十二年冬。倭遣小西飛

入朝。定封貢議。命都指揮楊方亨等充封使。同沈惟敬

往。養謙薦侍郎孫鑛

字文融。鑛之弟。

自代。乞身去。二十四年九

月。方亨等至日本。關白怒朝鮮王子不來謝。不肯撤兵。

所進表文。又謾無臣禮。是年二月。方亨歸。委罪惟敬。并

呈石星前後手書。帝怒。逮星。惟敬按問。下獄論死。

星于隆慶

初。建言被杖。直聲震天下。及起廢籍。居官有重望。然太

書生。素無謀畧。誤信奸人。力主封貢。遂以此敗。後竟死

獄中。以尚書邢玠

青州益都人。總督薊遼。改麻貴為備倭大將。

軍。而以鎬為經畧。時倭將行。長清正等據南原。

在朝鮮國城東。

楊錫身任經略會師進取
當二柵既拔時勝勢已如
破竹乃為私人忌功竟爾
鳴金罷戰此豈尋常失律
之罰可蔽厥辜至如石星
縱恣養奸直敢手書通款
而僅僅下獄瘐死不聞立
正刑章總由明季軍令廢
弛疆場之人不惜喪師辱

南與全州相犄。全州在國城南犯全羅即朝鮮全羅道治全州其地南濱大海東

接慶尙為慶尙南濱海與日本相對為朝鮮屏蔽逼王

京會沈惟敬就逮鄉導乃絕九月鎬抵王京倭已退屯

蔚山即朝鮮蔚山郡在慶州西北十二月鎬會邢玠麻貴議進取分

為三協合攻蔚山賊出戰大敗奔據島山在蔚山郡城南結三

柵以自固遊擊陳寅連破其二第三柵已垂拔而鎬素

與李如梅善以如梅未至不欲寅功出如梅上遽鳴金

收軍再攻不克明年正月行長救至鎬狼狽先奔諸軍

繼之賊前擊官兵死者無算輜重多喪失是役也傾海

內全力合朝鮮通國之眾委棄于一旦舉朝嗟恨鎬既

奔還王京與總督玠詭以捷聞贊畫主事丁應泰武昌左衛

國而伐異當同錮習牢不可破揆其潰敗決裂所從來要皆功罪不明有以階之厲耳

人。聞敗。詣鎬谷後計。鎬揚揚自詡功伐。應泰憤抗。疏盡列敗狀。乃罷鎬。令聽勘。而以萬世德山西偏頭所人代之。邢玠役無水兵。故敗。乃益募江南水兵。謀海運。為持久計。分成四路進兵。麻貴為伏兵所敗。中路將董一元亦潰。迄無功。

夏六月三殿災。

時帝銳意聚財。多假殿工為名。言者謂天以民困之故。災二殿以示儆。奈何復因天災以困民。帝不納。屢徵木于川廣。令輸京師。費數百萬。率被中官冒沒。終帝世。三殿實未嘗復建也。

秋七月赦。

播州宣慰使楊應龍叛。

唐乾符間。有楊端者。應募定南詔。遂據播州。歷宋元皆

附屬稱臣。洪武初。楊鑑內附。授宣慰使。奴傳至應龍數

從征伐。恃功驕蹇。帝十八年。貴州巡撫葉夢熊巡按陳

效。成都井研人。並疏應龍凶惡諸罪。四川巡按李化龍。字于田。長

人。以時方調播州兵。防禦松潘。請暫免勘問。由是川貴

撫按議不合。應龍性猜狠。阻兵嗜殺。所轄五司。黃平。草塘。二安

撫司。白泥。餘慶。重安。三長官司。黃平司。洪武八年置。

萬曆二十八年改為州。今屬平越府。草塘司。在遵義府

界。洪武中置。今廢。餘慶司。元置州。洪武中分置餘慶。白

泥。二司。萬曆二十八年改置縣。今屬平越府。重安司。在

今黃平州西。洪武八年七姓。田。張。袁。盧。悉畔離。其妻叔

置。萬曆二十七年廢。譚。羅。吳。張時昭等。上變告應龍反。應龍嬖小妻田雌鳳。殺其妻

夢熊。請發兵剿之。蜀中士大夫悉謂蜀三百臨播屬裔。以什伯數。皆其彈壓。且兵驍勇。數赴

征調有功。翦除未為長策。以故蜀撫按並主撫。朝議命勘。應龍願赴蜀不赴黔。

二十年。應龍赴重慶對簿。坐法當斬。請以二萬金贖。又

請願將兵五千。征倭報効。詔釋之。會巡撫王繼光登州人

至。嚴提勘結。應龍抗不出。用兵之議遂決。二十一年。繼

光至重慶。與總兵劉承嗣分兵三道進婁山關。今名太平關。在

遵義府北白石口。在婁山關南。反為所敗。繼光論罷。二十二

年。以南京兵部侍郎邢玠為總督。往勘之。會水西宣慰

國亨。卹典兵部尚書石星手札示疆臣。趣應龍就吏。得

賞罪。疆臣奉札至播。招應龍。時七姓恐應龍出。得除罪。

而四方亡命竄匿其間。又幸應龍反。因以為利。遂阻其事。應龍誘罪于其黨黃元。阿

羔執以獻。乃斬元。羔于重慶市。應龍請輸四萬金以贖

罪。羈其次子可棟于重慶。追贖。應龍既免死。怙惡不悛。

會可棟死。益痛恨。遂糾諸苗反。焚劫草塘。餘慶二司及

興隆都勻。

注並見前

諸衛進圍黃平。重安殺官吏。大掠江津

南川。綦江。合江。寢及湖廣。勢遂大熾。

八月。京師地震。

冬十月。以黎惟潭爲安南都統使。

初。莫登庸請封。制下而登庸已死。遂使其孫福海襲。福

海卒。子宏瀾嗣。宏瀾不能攝衆。爲黎寧臣鄭檢所逐。寧

死。再傳至惟潭。漸強盛。遂舉兵攻殺宏瀾子茂洽。復據

安南。欵關求貢。總督陳大科

北直通州人。

上言。莫之篡黎。其

事逆。黎之復讐。其名正。宜許其來歸。詔以惟潭爲都統

使。自是安南復爲黎氏所有。而莫氏惟據高平一郡。宗

黨多竄處海隅時出侵軼爲邊患。

戊戌二十六年夏四月土默特犯遼東總兵官李如松出塞遇伏死。

初如松棄倭班師言路交章詆其和親辱國帝置不問會遼東總兵董一元罷廷推如松代之如松感帝知氣益奮綽哈糾土默特諸部連寇遼東殺掠無算如松率輕騎出塞搗巢遇伏兵力戰死詔以其弟如梅代之踰年坐擁兵畏敵劾罷。

成梁諸子如松最果敢有父風其次稱如梅然躁動非大將才。

京師旱。

六月張位罷。

位初官翰林聲望甚重朝士冀其大用及入政府招權

示威。素望漸衰。日本封事壞。位力薦楊鎬才。請付以朝鮮軍務。鎬遭父喪。又請奪情視事。帝皆從之。會贊畫主事丁應泰劾鎬畏師。言位與鎬密書往來。朋黨欺國。鎬拔擢由賄位得之。帝怒。下廷議。位惶恐奏辯。給事中趙完璧陝西人。徐觀瀾澤州人。復交章論之。位窘亟。奏羣言交攻。孤忠可憫。臣心無纖毫愧。惟上矜察。帝怒曰。鎬由卿密揭屢薦。故奪哀授任。今乃朋欺隱慝。辱國損威。猶云無愧。遂奪職閒住。後復以妖書事除名。位果于自用。任氣好矜。故廷臣莫之救。既卒。亦無湔雪之者。

秋。八月。京師地震。

冬。十一月。倭遁去。官軍分道追擊敗之。朝鮮平。

初官軍分道擊倭。不利。會平秀吉死。羣倭俱有歸志。其

渠帥清正發舟先走。總兵官麻貴遂入島山西浦。都督

陳璘字朝爵。翁源人。遣副將鄧子龍督水軍千人。駕三巨艦為

前鋒。邀之金山南海戰歿。子龍素慷慨。初起廣東把總。歷麻陽永昌參將。擢總兵官。

所在立戰功。時年踰七十。意氣彌厲。欲得首功。急携壯士三百人。躍上朝鮮舟。直前奮擊。賊死傷無算。他舟誤

擲火器入子龍舟。舟中火起。賊乘之。子龍戰死。會副將陳璘。李金等軍至。邀擊

之。倭無鬪意。官軍焚其舟。賊大敗。脫登岸者。又為陸兵

所殲。焚溺者萬計。時總兵劉綎方攻行長。奪曳橋砦。在

鮮慶州西南。璘以舟師夾擊。復焚其舟百餘。行長黨石

順天城外。蔓子引舟師來救。璘邀之半洋。擊殺之。于是諸倭揚帆

盡去。自倭亂朝鮮七載。喪師數十萬。糜餉數百萬。中國

與朝鮮迄無勝算。至秀吉死。禍始息。初。萬世德代楊錦經畧朝鮮軍務。畏

不敢前。比聞倭退。兼程馳至。會同總督邢玠奏捷。贊畫主事丁應泰等。疏劾諸臣賂倭賣國。帝以將士久勞。皆

仍發同金十萬兩。犒師。敘東征功。首陳璘。次劉綎。擢都督同知。又次麻貴。加右都督。邢玠。萬世德。各予世廕。董

一元。楊錦。俱復原職。

以劉東星

字子明。沁水人。為工部侍郎。總理河漕。

初。潘季馴議開黃河上流。循商虞而下。歷丁家道口。在

歸德府商邱縣北。出徐州小浮橋。今名雲集橋。在銅山縣舊城東北隅。即元賈魯

所浚故道也。朝廷以費鉅不果。東星即其地開濬。起曲

里舖。在今蕭縣西。至三仙臺。山名。在蕭縣北。抵小浮橋。又濬漕渠。自

徐沛至宿遷。凡五閱月。工竣。

官軍襲浩爾齊于松山。走之。復其地。

徹哩克已東歸。而套虜浩爾齊布色圖等。頻年抄掠如故。據三大巢。曰河套。曰海西。曰松山。聲息交倚。總督三邊李汶。內聯四鎮。外招番人。襲破寇衆于松山。復其地。築邊垣四百里。

己亥二十七年春三月。以李化龍總督川湖貴州軍務。討楊應龍。

先是貴州巡撫江東之。令都司楊國柱指揮李廷棟率

部兵三千剿應龍。應龍遣子朝棟弟兆龍等迎敵于飛

練堡。在今平越府甕安縣東。廢草塘司北十里。賊佯走天邦固。在廢草塘司西北。誘

官軍盡殲之。國柱等皆死。東之罷。以郭子章泰和人。代。而

命化龍節制川湖貴三省軍事。調東征諸將劉綎麻貴

陳璘董一元南征。六月。應龍乘大兵未集。遂勒兵犯綦

江。城中新募兵不滿三千。賊兵八萬奄至。圍綦江城數

匝。參將房嘉寵遊擊張良賢率師巷戰。俱死之。應龍因

刼縣令焚掠。出綦江庫犒師。盡殺城中人。投屍蔽江水。

為赤。尋退屯三溪。唐置縣。宋廢。故城在今重慶府綦江縣南。益結九股生苗。

及黑脚苗為助。應龍以綦江之三溪。母渡。南川之東鄉。壩。立石為播界。號宣慰官莊。聲言江津。

合江。皆播故土。時郭子章日夜徵調各漢土兵。分守南川。合江等處。軍聲漸振。應龍偽軍師孫時泰請應龍直

取重慶。搗成都。刼蜀王為質。而應龍遷延不進。止言爭界給葬。以冀曲赦。化龍至成都。以徵兵未至。亦謬為好

語縻之。東鄉壩。在南川縣西南。帝聞綦江破。賜化龍劍。假便宜討賊。

十月。化龍移駐重慶。已而應龍屯官壩。在遵義府城西北。聲言

窺蜀。又焚東坡。在平越府黃平州東。爛橋。在鎮遠府施秉縣南。楚黔路梗。黃

平龍泉

元置龍泉坪長官司明萬歷中改置縣今縣屬石阡府

所在告急賊復據

偏橋

明初置長官司今屬鎮遠府

出掠興隆鎮遠化龍議置勁兵萬

餘據守要害通楚黔道益調諸路兵以俟大舉

夏旱

閏四月遣中官覈天下積儲

以諸皇子婚詔取太倉銀二千四百萬兩戶部告匱乃

命中官嚴覈各省積儲由是外帑日耗

秋八月陝西山崩

狄道縣有山長二百餘丈聲如雷者十數夜遂陷為池

山南平地湧山五高者二十餘丈

冬十月加四川湖廣田賦

太倉為國計所繫度支當
準常經神宗五子縱同時
行婚何竟需至二千四百
萬之多實事理所不可解
蓋由神宗一切漫無稽核
惟聽中涓昌取浮支且從
而藉端搜括國既蠹於使
漁民復困於征斂上下空
虛危亡日逼故明命脉雖
戕於奸璫實神宗自戕之

也

以播州用兵故。

十二月武昌漢陽民變。擊傷稅使陳奉。

奉在湖廣恣行威虐。慘毒備至。

與國州奸人漆有光。計居民徐鼎等。掘唐相李

林甫妻楊氏墓。得黃金巨萬。奉奏之。帝命奉括進內庫。奉因毒拷責償。且悉發境內諸墓。巡按御史王立賢言。所掘墓乃元呂文德妻。非林甫妻。奸人訐奏。巡撫支可語多不實。請罷不治。而停他處開掘。不報。

大

崑山

以下。唯諾惟謹。獨分巡僉事馮應京

字可大。以

法裁之。至是有武昌漢陽諸生妻被辱。訴上官。市民從

者萬餘。哭聲動地。蠡涌入奉廨。爭投瓦石擊奉。奉被傷。

諸司馳救之。乃免。可大遇變。噤不敢發聲。應京捕治奉

爪牙。抗疏列其九大罪。奉亦誣奏應京撓命凌勅使。帝

怒。貶應京邊方雜職。

事在二十八年。

既而奉又劾襄陽通判邸

宅氏族志耶氏推官何棟如無錫人棗陽知縣王之翰絳州人

詔逮訊并追逮應京應京素有惠政民號哭往送切

齒恨奉奉又榜列應京罪狀于衢民益憤聚數萬人圍

奉廨誓必殺奉奉逃匿楚王府衆乃投奉黨十六人于

江以可大助虐燔其轅門事聞閣臣沈一貫等請撤奉

回不報事在二十九年會江西湖口稅使李道奏奉水阻商舟

陸截販賈剝民病國帝乃召奉還奉至湖廣二年武昌

凡再變繼之漢口黃州荊州荊門襄陽寶慶德安湘潭

諸處變經十起幾成大亂而是時山東臨清民亦譟而

逐稅監馬堂縱火焚堂署斃其黨三十七人皆黥臂諸

偷也詔捕首惡株連甚衆有王朝佐者素仗義慨然曰首難者我也勿累無辜臨刑神色不變臨清民立

祠以祀。未幾，蘇州亦民變，殺稅監孫隆黨六人。奉歸時，有司捕亂者，民葛誠獨承論死。後遇赦得釋。

所得金寶財物鉅萬計，可大恐為民所掠，多與徒衛送

之出境。應京等至京，繫獄久之。應京及宅棟如得釋，之

翰竟瘐死。自礦稅興，中使暴橫，所至貽藉有司。謗書一

十五年，則山東福山知縣韋國賢，二十六年，則山東益

都知縣吳宗堯，二十七年，則江西南康府知府吳寶秀，

星子知縣吳一元，山東臨清守備王煬，湖廣荊州府推

官華鉦，經歷車任重，二十八，則廣東新會籍通判

吳應鴻，舉人勞養魁，鍾聲朝，梁斗輝，雲南尋甸知府蔡

如川，趙州知州甘學魁，陝西富平知縣王正志，二十九

年，則應京宅棟如之翰，及武昌同知卞孔時，江西饒州

通判陳奇可，三十年，則鳳陽臨淮知縣林錡，三十四年

則陝西咸陽知縣宋時濟，三十五年，則陝西咸寧知縣

滿朝薦，三十七年，則遼東海防同知王邦才，將李獲

陽，皆幽繫詔獄，久者至十餘年。煬應鴻志學獲陽，俱斃

獄中。其他削籍貶官甚眾。至士民囚繫死亡者，尤不可

勝紀。吳宗堯，字仁叔，歙縣人。吳寶秀，字汝珍，浙江平

陽人。華鉦，字德夫，丹徒人。王正志，祥符人。滿朝薦，字震

東麻
陽人。

庚子二十八年春二月京師地震。

夏六月李化龍帥師平播州。

楊應龍勒兵數萬五道並出攻破龍泉司時化龍徵兵

大集大會文武于重慶登壇誓師分八路進兵川師四

路總兵官劉綎由綦江入總兵官馬孔英宣府塞外降丁由南

川入總兵官吳廣廣東人由合江入副將曹希彬受廣節

制由永寧入黔師三路總兵官童元鎮桂林右衛人由烏江

在今遵義府南境上入參將朱鶴齡受元鎮節制統宣

慰使安疆臣由沙溪在今遵義府城南入總兵官李應祚由興

隆入楚師一路分兩翼總兵官陳璘由偏橋入總兵官

陳良珙受璘節制。由龍泉入。每路兵三萬。官兵三之土。

司七之。巡撫郭子章駐貴陽。湖廣巡撫支可大移沅州。

化龍自將中軍策應。部署既定。劉綎遂從綦江進兵。破

其前鋒。楊朝棟僅以身免。賊皆膽落。連克桑木。在遵義府綏陽

縣烏江。河渡。在烏江東三關。奪天邦諸囤。乘勝入婁山關。

屯白石。應龍率諸苗決死戰。綎親勒騎衝中堅。分兩翼

夾擊。敗之。追奔至海龍囤。在遵義府城北。為應龍穴壘。時陳璘已破

青蛇囤。在遵義府城東。安疆臣亦奪落蒙關。在遵義府城西。吳廣從崖

門關。在遵義府城西北。入營水牛塘。與賊力戰三日。却之。遂攻

燒二關。奪賊樵汲路。賊見勢急。父子相抱哭。上囤死守。

遣使詐降。化龍檄諸將斬使焚書。已而八路兵大集海

龍圍下。遂築長圍。更番迭攻。賊大困。會化龍聞父喪。詔以墨綬視師。化龍念賊圍前險不能越。令馬孔英勒兵攻其後。天久雨。將士馳泥淖中苦戰。挺先士卒克土城。應龍益迫。散金募死士拒戰。諸苗皆駭散。無應者。起提刀巡壘。見四面火光燭天。大兵已登圍入。應龍倉皇同愛妾二。闔室自縊。生擒朝棟。兆龍等百餘人。計出師至滅賊百十有四日。化龍露布以聞。詔磔應龍屍。戮朝棟。兆龍等于市。以其地置遵義平越二府。分屬川貴。

冬十月。下給事中王德完

字子醇。廣安人。

于獄。廷杖除名。

時鄭貴妃日有寵。而王皇后多疾。左右咸竊意后崩。貴妃卽正中宮位。其子爲太子。中允黃輝皇長子講官也。

從內侍微窺得其狀。謂德完曰。此國家大事。旦夕不測。書之史冊。謂朝廷無人。德完乃屬輝具草。及是上之。疏入。帝震怒。立下詔獄拷訊。尙書李戴。字仁夫。延津人。御史周盤等。連疏論救。忤旨切責。御史奪俸有差。閣臣沈一貫。方在告。力疾草奏。爲德完解。帝亦不懌。命杖德完百。除其名。復傳諭廷臣。諸臣爲皇長子邪。爲德完邪。如爲皇長子。慎無竄擾。必欲爲德完。則再遲冊立一歲。廷臣乃不復言。

兩畿盜起。

頻年災旱。又苦礦稅。兵民多起爲盜。浙人趙一平。以妖術倡亂。竄徐州。與其黨孟化鯨等。招集亡命。自稱宋後。

署僞官。期明年二月。諸方並起。事覺。伏誅。鳳陽巡撫李

礦稅之害。言陛下愛珠玉。民亦慕溫飽。陛下愛子孫。民

亦戀妻孥。奈何崇聚財賄。而使小民無朝夕之安。又言

近日奏章。凡及礦稅。悉置不省。此宗社存亡所關。一旦

衆畔土崩。小民皆爲敵國。陛下卽黃金盈箱。明珠填屋。

誰爲守之。皆不報。

李三才。字道甫。順天通州人。

辛丑二十九年夏五月。罷山西巡撫魏允貞。

中官張忠。孫朝。先後領山西礦稅。誅求百方。允貞每事

裁抑。疏暴其罪。朝怒。劾允貞抗命沮撓。帝留允貞疏不

下。而下朝疏于部院。將加譴責。吏部尙書李戴。都御史

溫純。

字景文。二原人。

力爭允貞賢。請下允貞疏平議。帝並留中。

山西軍民數千詣闕。爲允貞訟冤。言官亦連章論救。帝

置不問。允貞父年九十餘。乃乞歸侍養。廷議以稅使害

民非允貞不能制。固留之。允貞請益力。始聽歸。未幾卒。
晉人立祠祀之。

旱

畿輔山東河南赤地數千里。

六月。法司請熟審。不報。

嗣後數年。每請皆不報。獄囚人繫多死。

秋八月。復以李成梁鎮遼東。

成梁去遼十年之間。更易八帥。邊備益弛。會總兵馬林
獲罪。沈一貫言。成梁雖老。尚堪將兵。乃命再鎮遼東。年

已七十六矣。時土默特長安及巴圖舊作把土。今改。已死。寇掠

漸稀。而開原廣寧復設馬木二市。先是泰寧朵顏扶餘諸部。屢犯邊。後朵顏

小岱青。悔禍欵塞。請開木市于義州二十三年。遼東巡撫李化龍疏言。木市五利。廷議從之。未幾遂罷。并罷馬市。小岱青復為寇。至是。或梁力請復之。後以爲常。按扶餘舊作福餘。小岱青舊作小反青。今並改。後防此。

諸部耽市賞利爭就款以故成梁再鎮八年遼左少事

九月趙志臯卒。諡文懿。

志臯柔弱。頗爲朝士所輕。日本封貢。志臯與石星相應和。星敗。劾星者必及志臯。志臯乞休疏八十餘上。俱不許。在告四年。卒于邸舍。志臯才氣不如沈一貫張位。而醇謹過之。時帝益怠荒。章疏沉閣。官僚曠闕。志臯亦頗論諫。特以石星之敗。物議叢焉。

以前禮部尙書沈鯉。朱賡。字少欽。浙江山陰人。並兼東閣大學士。預

機務。

鯉素鯁亮。前在禮部持典禮。多所建白。申時行銜鯉不

附已。深忌之。一日鯉請告。時行遽擬旨放歸。帝曰。沈尙書好官。奈何使去。傳旨諭留。帝有意大用鯉。微言沈尙書不曉人意。內豎密告鯉。鯉拒之曰。禁中語。非所敢聞。卒引疾歸。賡充講官。時宮中方興土木。治苑囿。賡因講宋史。極言花石綱之害。帝爲悚然。累遷禮部尙書。遭繼母喪去。至是趙志臯卒。沈一貫請增置閣臣。帝素慮大臣植黨。欲用林居及久廢者。遂詔鯉與賡以原官入閣。參預機務。

冬十月。立子常洛爲皇太子。

時太子年二十。羣臣屢請冊立。冠婚並行。沈一貫草勅請下禮官具儀。而廷議有欲先冠婚。後冊立者。一貫不

設誓緘合已是溺惑失情
然猶事理有所至云封識
宛然而書紙為蟲蝕盡不
知玉合尚緘蟲從何入元
屬傳會可笑緣當時在廷
爭儲叫呶皆居奇貨其計
幸而得售遂爾矯誣神奇
史家無識遂後傳之且以
為足資法戒之助失逾遠
矣

可。曰。不正名而苟成事。是降儲君為諸王也。帝意亦悟。

命即日舉行。既而復令改期。一貫封還諭旨。力爭。乃立

常洛為皇太子。

初。儲位未定。鄭貴妃要帝至高元殿。謁神設密誓。立其子為太子。帝因書一

紙。

緘玉合中。賜妃為符契。後廷臣爭之彊。慈聖太后復

堅持。

立長。而妃又忽失權。于是皇長子遂得立為太子。

帝遣人取玉合。

封識宛然。發合。蟲蝕書盡矣。帝悚然異之。

同日封諸子常洵福王。

後藩洛陽。常浩瑞王。後之藩常潤。與常瀛並。李貴妃出。惠王。後之藩常

瀛桂王。

後之藩衡州。

御批歷代通鑑輯覽卷之一百十二

明

神宗皇帝

壬寅萬歷三十年春二月帝不豫召大學士沈一貫具詔除
弊政翼日帝瘳寢前詔

皇太子婚禮甫畢帝忽有疾急召諸大臣至仁德門俄
獨命一貫入啓祥宮後殿西煖閣皇太后南面立稍北
帝稍東冠服席地坐亦南面太子諸王跪于前一貫叩
頭起居畢帝命之前諭曰朕病篤矣礦稅事朕因宮殿
未竣權宜採取今可與江南織造江西陶器俱止勿行
所遣內監皆令還京法司釋久繫罪囚建言得罪諸臣

神宗信用閹人礦稅之擾
豈延海內雖盈廷籲請若

同知會講疾而召見閣
臣盡除弊政不可謂非轉
移之機沈一貫既承此旨
正宜迅下所司以期廣德
音而甦民困何乃濡遲觀
望翌日尚未奉行致神宗
得以追寢成命真全不以
國事爲心者中涓陳謂曾
若輩之不如顧既不能力
持于始其後復借星變爲
由屢請罷撤陰爲阿順取
容而陽以謫言弋譽究之
欲蓋彌彰耳

行抄所傳通鑑輯覽卷之五十二

咸復其官言已就臥一貫尋叩頭出擬旨以進是夕閣
臣九卿俱直宿朝房漏三鼓中使捧諭至具如帝語一
貫者諸大臣期即奉行翼日帝疾瘳悔之遣中使二十
輩至閣追取前諭一貫不能持惶遽繳入時司禮太監
王義方在帝前力爭曰王言何可反汗帝怒欲手刃之
義言愈力而中使已持前諭至後義見一貫唾曰相公
稍持之礦稅撤矣何怯也自是大臣言官疏請者日相
繼皆不聽

閏月河州黃河竭

癸卯三十一年春正月營兩宮

詔戶兵一部覈軍實

時內府所供寢多。戶部困不能支。九邊額軍八十六萬有奇。將弁率以空名支餉。且多剋減。邊兵屢譁。帝急命戶兵二部鈎考軍實。卒不能振刷也。

夏四月丁亥朔日食。

是日當享太廟。禮部侍郎郭正域

字美命。江夏人。

言禮當祭而

日食。牲未殺則廢。朔旦宜救日。詰朝享廟。從之。

五月京師地震。

六月黜楚中尉華越為庶人。

初楚恭王

名英煥。顯。榕次子。

薨。遺腹宮人胡氏孿生子華奎。華

壁或曰內官郭綸取他人子養之。

言華奎乃恭王妃兄王如言子。華壁乃妃

族人王如綽奴王王子。儀賓汪若泉嘗訐奏事下撫按。王妃持甚

楚宗事曖昧難明當時之號為正人者大抵皆右假王之說究亦未有確憑而其難端則始于汪若泉之告訐若泉為恭王密戚所

言或果有見聞或妄生觀
覲皆不可知彼時若即窮
究根源庶可辨其真偽及
事隔數十年華越復以挾
嫌訐訟尤不可不明勘虛
實以破疑竇而息羣謬乃
沈一貫獨執宜訪不宜勘
之言委之撫按仍歸顛預
了事適足昭疑謗之口于
是閣臣禮臣互相袒護攻
擊紛如日以報復相尋轉
置楚宗曲直于不問朝局
之壞蓋至是時而極矣

堅得寢帝八年華奎嗣爵華壁亦封宣化王宗人華越
者素彊禦忤王及是遣人訐華奎異姓子不當亂宗沈
一貫納華奎重賄屬通政使格其疏不上月餘華奎劾
華越疏至乃上之事下禮部署尚書事郭正域楚人也
頗知假王事請勘虛實以定罪案一貫右華奎言親王
不當勘但宜體訪正域以事關宗室不聽華奎懼奉百
金爲正域壽且屬毋竟楚事當酬萬金正域嚴拒之已
而撫按行勘皆言無左驗而華越妻乃王如言女持僞
王說甚堅廷議令覆勘詔公卿集議于西闕門議者三
十七人各具一單言人人殊李廷機以禮部左侍郎代
正域署部事正域欲盡錄諸人議廷機以辭太繁先撮

其要以上一貫遂啖御史康丕揚

濟南陵縣人

等劾禮部壅

闕羣議不以實聞正域亦發一貫匿疏沮勘及華奎饋

遺事中旨以楚王襲封已二十餘年何至今始發且夫

訐妻証不足憑據遂坐華越等誣奏降庶人錮之鳳陽

明年華奎獻萬金助工經漢陽宗人疑其輸賄遮奪之巡撫趙可懷屬有司捕治宗人方恨可懷治楚獄不平持兵突入撫署擊殺可懷于是逮捕諸宗人置重典者六人禁錮閑住者四十五人

秋七月京師大雨雹

八月禮部侍郎郭正域罷

正域初右華越積忤沈一貫給事中錢夢臯

富順人

遂希

一貫指劾正域陷害親藩楊應文

無錫人

又言正域父懋

嘗笞辱于楚恭王故正域因事陷之正域疏辨

言恭王卒于隆

御批歷代通鑑輯覽

卷之百三

三

慶時臣父方以舉人任知州何由被答留中不報

因乞休去已而華奎亦奏劾

正域略如應文言且許其不法數事請褫正域官詔下

部院集議李廷機謂正域已去可無苛求給事中張問

達

字德充涇陽人

言藩王欲進退大臣不可訓乃不罪正域而

令巡按御史勘王所許以聞皆無狀

冬十一月獲妖書

先是刑部侍郎呂坤

字叔簡寧陵人

嘗撰閨範圖說太監陳矩

安肅人

購入禁中帝以賜鄭貴妃妃重刻之二十六年秋

或撰閨範圖說跋名曰憂危竝議

其文託朱東吉為問答東吉者東朝也其

名憂危以呂坤曾有憂危一疏因借其名以諷

言坤書首載漢明德馬后由宮

人進位中宮意以頌妃而妃之刊刻實藉此為奪嫡地

妃兄國泰。以給事中戴士衡字章尹。莆田人。嘗糾坤。全椒知縣

樊玉衡

字以齊。黃岡人。

並糾貴妃。疑出自二人手。言于帝。帝重

謫二人。事遂寢。至是。續憂危。竝議復出。朱賡于寓門外

獲之。其詞假鄭福成爲問答。鄭福成者。謂鄭氏子福王

當成也。大略言帝立東宮。出于不得已。他日必當更易。

其用朱賡爲內閣者。以賡更同音。寓更易之意。詞極詭

妄。時皆謂之妖書。帝大怒。勅有司大索奸人。沈一貫以

楚宗事銜郭正域。又惡沈鯉相逼。

初。鯉將入閣。一貫以土心夙附鯉。深忌之。

欲諷鯉辭召命。乃貽書李三才曰。歸德公來。必奪吾位。將何以備之。歸德。鯉邑名。三才答書。言鯉忠實無他腸。

勸一貫同心。一貫并憾三才。欲因是傾之。給事中錢夢臯直指爲正

域。鯉所造。遂發卒圍正域舟于楊村。

在順天府武清縣東南。

捕僕

隸乳媪十餘人。御史康丕揚先後捕正域所善醫人沈令譽。僧達觀等雜治之。竟無所得。最後錦衣衛獲順天

生員皦生光。生光性險賊。多脇取人財。又嘗爲妖詩傾

戚里。生光嘗僞作富商包繼志詩。有鄭主乘黃屋之句。以脅鄭國泰。及繼志金。疑書出其手。

遂下獄。拷訊夢臯。丕揚令引正域。生光仰面大罵曰。死

則死耳。奈何教我迎相公指。妄引郭侍郎乎。久之。獄不

能具。會皇太子在東宮。數語近侍曰。何爲欲殺我好講

官。諸人聞之皆懼。而陳矩提督東廠。屢會法司拷訊。心

念獄無主名。帝必怒甚。恐輾轉攀累無已。遂與法司歸

獄生光。磔之。釋諸波及者。正域始得歸。正域博通載籍。有經濟大畧。自

守介然。人望歸之。方獄急時。邏卒圍鯉舍。及正域舟。鈴柝達旦。又聲言正域且逮。迫使自裁。正域曰。大臣有罪。

當伏尸都市。安能自屏野外。歸十年卒。

致仕東閣大學士王家屏卒。諡文端。

家屏歸後八年。儲位始定。遣官齎勅存問。及是卒。贈少

保。家屏在閣。每議事。秉政持法。與同列不亢不隨。李獻可之謫。家屏求去甚力。或勸少需。家屏曰。人君惟所欲為者。由大臣持祿。小臣畏罪。有輕羣下心。吾意大臣不愛爵祿。小臣不畏刑誅。庶有濟耳。遂懇請得歸。

甲辰三十二年夏四月辛巳朔日食。

開濬泇河成。泇有東西二河。注已見前。今運河上自山東滕縣下至江南邳州。統謂之泇河。

泇河界滕嶧間。南通淮海。引漕甚便。前總河侍郎翁大

立首議開濬。事具前。已都御史傅希摯復言之。朝廷數遣

官行勘。迄無成畫。其後尚書舒應龍創鑿韓莊。在嶧縣微山湖

東。今有閘。以引湖水。微山湖之水。劉東星又開良城。在邳州北。漢置良成縣。晉

改良城在韓莊東。今唐省。侯莊為侯僊開。以試行運。時漕舟行泇河者十之三。工皆

中輟。東星卒官。役遂止。至是侍郎李化龍與淮揚巡撫李三才

循東星舊跡修之。由直河在邳州東。蒙沂諸山之水所匯。入泇口在邳北。

抵夏鎮。凡二百六十里。避黃河吕梁之險。會化龍憂

去。侍郎曹時聘獲鹿人。終其事。由是泇河遂為漕道永利。

五月。雷火焚長陵明樓。

帝以陵災。下詔咨實政。大學士沈鯉請除礦稅。屬沈一

貫。朱賡各為一疏。俟時上之。一日大雨。鯉曰。可矣。一貫

等問故。鯉曰。帝惡言礦稅事。疏入多不視。今吾輩冒雨

素服詣文華奏之。上訝而取閱。亦一機也。一貫等從其

言。帝得疏。疑必有急事。啓視。果為心動。戶部尚書趙世

是時陳言屢辭。幾不惜指斥。詆諆神宗一切。漠然置之。既難期納牖之明。並不見撓。鯉之怒沈鯉等。乃欲藉素服冒雨。觀一為動。心見亦疎矣。觀於因疾革。革除之詔。疾瘳。輒便。追還。遇災責實。政之修。災過依。

然不省其因循莫振誠非
一朝夕之故而猶欲以口
舌力爭如石投水庸有冀
乎

卿字象賢亦上疏力請言今日實政孰有切于罷礦稅

歷城人

入之財斂蒼生之怨節儉之謂何是為君德計不可不

罷者一多取所以招尤慢藏必將誨盜鹿臺鉅橋必致

倒戈之禍是為宗社計不可不罷者二古者國家無事

則預桑土之謀有事則議金湯之策安有鑿四海之山

權三家之市操弓挾矢戕及良民燬室踰垣禍延鷄犬

經十數年而不休者是為國體計不可不罷者三貂璫

漁獵翼虎魚然毀掘塚墓則枯骨蒙殃奸虐子女而良

家飲恨人與為怨謹諫屢聞是為民困計不可不罷者

四國家財賦不在民則在官今盡括入奸人之室故督

通租而通租絀稽關稅而關稅虧搜庫藏而庫藏絕課

鹽筴而鹽筴薄徵贖鍰而贖鍰消外府一空司農若掃

是為國課計不可不罷者五天子之令信如四時三載

前嘗曰朕心仁愛自有停止之時今年復一年更待何

日天子有戲言王命委草莽是為詔令計不可不罷者

六陛下試思服食宮室以至營造征討上何事不取之

民民何事不供之上嗟此赤子曾無負于國乃民方懼

呼以供九重之欲而陛下不少慰其勞民方竭蹶以赴

九重之勞而陛下不少恤其難反之于心必不自安者

今天譴頻仍變不虛生故欲回天意在恤民心欲恤民

EAST ASIAN LIBRARY
UNIVERSITY OF TORONTO LIBRARY

後魏書卷之百三

卷之百三

六

罷礦稅無煩再計而決也。帝優答之。然不爲罷。

六月。太白晝見。

沈一貫等以災異疊見。疏請罷礦稅。出繫囚。補缺員。發臣下章奏。帝答以修省實政。俟次第舉行。一貫等又言。俟之爲言。有何底極。臣等非不欲俟。而天下危亂。恐有不能俟者。帝不省。

秋。七月。大雨水。

乙巳三十三年夏五月。雷震郊壇。

鳳陽大風雨。毀陵廟。

左都御史溫純罷。

溫純清白自持。奉職固稱。

純清白奉公。五主南北考察。澄汰悉當。妖書事起。力爲

無忝即其為沈郭辨明証枉亦人心公道所存至於楚宗倡亂敢於持兵入署擊殺封疆大臣實與叛逆無異逮治俾正厥辜實不為枉乃純轉力明其無反狀未免縱惡失刑其後孫慎行復襲前說請釋諸宗當時亦豈共違其議總由諸人深嫉一貫凡所措置必欲一切力矯之是皆朋黨偏見固結於中竟不以朝廷事理曲直為念耳

沈鯉郭正域辨証。又楚宗人殺撫臣。純言無反狀。積忤

沈一貫。時大計京朝官。純與吏部侍郎楊時喬字宜遷上饒人

主之一貫所欲庇者。鍾兆斗海鹽人。錢夢臯等。皆在謫中。

一貫怒。言于帝。降旨切責純。察疏亦不下。盡留被察科

道官。純力求去。夢臯等遂連章訐純楚事。誣以納賄。給

事中陳嘉訓。鄱陽人。極論夢臯兆斗朋比為奸。請聽純歸。

以全大臣之體。帝予純致仕。夢臯兆斗亦罷歸。一貫請留察疏。

主事劉元珍。龐時雍。御史朱吾弼等力爭之。謂二百年來計典疏無留者。時南京察疏亦留中。後迫眾議始下。

劉元珍。字伯先。無錫人。龐時雍。汶上人。朱吾弼。字諧卿。高安人。

秋九月。京師地震。

冬十月。濬朱旺口。在碭山縣西。

EAST ASIAN LIBRARY
UNIVERSITY OF TORONTO LIBRARY

前年河決豐縣。單縣決口亦潰。魚臺濟寧間平地成湖。河臣李化龍上言。自泲河既成。山東南直間河。不能爲運河害。獨朱旺口以上。決單則單沼。決曹則曹魚。及豐沛。徐。邳。魚。楊。皆命懸一線。隄防宜急。會化龍憂去。曹時聘代。至是時。聘大濬朱旺口。凡役夫五十萬。六閱月工竣。自朱旺達小浮橋。延袤百七十里。渠廣隄厚。河歸故道。

十一月。皇長孫由校生。卽熹宗。

選侍。明制。太子女侍有淑人等名號。王氏。順天所生。

十二月。詔罷天下開礦。以稅務歸有司。中使仍留不撤。

自礦稅使設。廷臣諫者不下百餘。忤寢不報。自二十五

年至是年諸璫所進礦銀幾三百萬兩金珠寶玩貂皮名馬雜然進奉帝以爲能會長至日沈一貫在告沈鯉朱賡謁賀仁德門帝賜食司禮監陳矩侍鯉因極陳礦稅害民狀且言礦使破壞天下名山大川靈氣盡矣恐于聖躬不利矩乃具爲帝道之帝悚然遣矩咨鯉所以補救者鯉言急停開鑿則靈氣自復帝爲首肯一貫慮鯉獨收其功急草疏上帝不懌復止踰月始下停礦之命以稅務歸有司歲輸所入之半于內府半戶工二部然中使不撤吏民尤苦之其害遂終帝世

丙午三十四年春二月雲南指揮賀世勲等殺稅監楊榮雲南孟密土司有寶井正德以後多以內臣掌之及榮

御批歷代通鑑輯覽
卷之三百三

領稅使妄奏井多晴綠珍瑰之屬可歲益數十萬帝特

賜之專勅而榮所進不得什一會緬賊侵蠻莫其執詞以奉稅使令殺宜撫

思正以開道路正奔騰越緬人追之有司不得已殺正以謝賊乃退既而榮又請麗江土

知府本越析詔地明設土府今改流官木增獻地聽開採巡按御史宋

興祖中江人言太祖令木氏世守茲土限石門關名在府西北以

絕西域守鐵橋亦在府西北以斷土蕃奈何自撤藩蔽生遠

人心不報榮由是怙寵益橫夷漢居民恨入骨相率燔

稅廠殺委官榮猶弗悛恣行毒虐杖斃數千人至是以

求馬不獲繫指揮使賀瑞鳳且言將盡捕六衛官于是

世勲等率寃民萬人焚榮第殺之并殺其黨二百餘人

事聞帝為不食者數日欲逮問守土官閣臣沈鯉揭爭

且密囑太監陳矩剖陳。帝乃止。誅首寃世勲等。時高淮

東。時時出塞射獵。發黃票龍旗。走朝鮮索冠珠貂馬。數與邊將爭功。山海關內外咸被其毒。于是前屯衛軍盡甲而嘩。誓食淮肉。未幾錦州松山軍復變。淮所遣承舍吳守。自劉死。淮懼內奔。閣臣朱賡言。未踰月而遼境四亂。皆淮所致。饑軍合叛。衆臣不知遼事之終矣。不報。

夏。六月。畿內蝗。

秋。七月。沈一貫。沈鯉罷。

給事中陳嘉訓。御史孫居相。字伯輔。沁水人。交章詆一貫奸貪。

一貫憤求去。帝爲黜嘉訓。奪居相俸。而允一貫歸。一貫

數與沈鯉忤。懼去後。鯉爲已憂。因密傾之。帝亦嫌鯉方

鯉。會鯉同時乞休。遂並命致仕。而一貫獨得溫旨焉。一貫

當國。伎挂清議。好同惡異。與前後諸臣畧同。而楚宗妖書京察三事。獨犯不韙。論者醜之。歸後。言者追劾之。不

EAST ASIAN LIBRARY
UNIVERSITY OF TORONTO LIBRARY
130 St. George Street
Toronto, Ontario, Canada

卷之百三

止。及卒。贈太傅。諡文恭。鯉在政府。秉政不阿。以壓于一貫。志不盡行。罷相。命下。舉朝駭愕。及抵家。猶極陳怠政之弊。以明作進規。
卒。贈太師。諡文端。

冬十二月。棄六堡。

初。六堡既築。生聚日繁。至六萬四千餘戶。至是。李成梁

以地孤懸難守。與總督蹇達重慶人。巡撫趙楫大興人。建議

棄之。盡徙居民于內地。居民懸戀家室。或不從。則以大

軍驅迫之。死者狼籍。給事中宋一韓陳州衛人。力言棄地非

策。御史熊廷弼字飛百。江夏人。亦以為言。帝卒用成梁議。自是

遼左藩籬盡撤。

丁未三十五年。夏四月。伊勒敦達春舊作銀定。今改。後仿此。犯涼州。

官軍擊破之。

時松山旣復。寇復據賀蘭山。結青海諸部。寇鈔不已。伊

勒敦達春尤桀驁。三十三年。連營犯鎮番。注見前。總兵官

達雲與副將柴國柱。西寧衛人。擊之。寇大敗去。未幾。青海寇

復大入。將士分道遮擊。生擒其長沙喇。舊作沙。賴今改。餘敗走。

至是。伊勒敦達春復連兵犯涼州。雲與國柱及副總兵

官秉忠。榆林衛人。逆戰。大破之。寇屢被挫。悉去。

五月。以于慎行李廷機。葉向高。字進卿。福興人。俱爲禮部尚書。兼

東閣大學士。預機務。

時內閣惟朱賡在。帝命增置閣臣。廷推慎行。廷機。向高

三人。遂用之。并召還王錫爵。三辭不允。時言官方厲鋒

氣。錫爵進密揭力詆。中有上于章奏。概留中。特鄙夷

征拜左少金車

卷之二十一

十一

之如禽鳥之音等語。言官聞之大憤。交章論劾。錫爵闔

門養重。竟辭不赴。

又三年。錫爵卒于家。贈太保。諡文肅。

秋八月。彗星見。

冬十一月。于慎行卒。

諡文定。

慎行明習典制。為禮部尚書。諸大禮多所裁定。以請建

儲忤帝意。家居十餘年。召掌詹事。不至。入閣命下。再疏

辭不允。至京十有三日而卒。

慎行學有原委。貫穿百家。在詞館中。以慎行及馮琦。

文學為一時冠。馮琦字用韞。臨朐人。

十二月。蠻陷武定。

元羅婺部。後改武定路。明置武定軍民府。今為府。屬雲南。

武定自洪武十四年。以女土官商勝首先歸附。詔設土

知府。即以勝署府事。至正德初。武定阿英以賄通劉瑾。

得襲知府。改姓鳳氏。嘉靖中。以武定屢叛。土舍鳳朝文與尋甸土舍

安銓合兵為亂。官軍討誅之。未幾。鳳繼祖復叛。繼祖本他姓子。冒鳳氏宗。謀嗣職。遂發兵圍府。劫掠州縣。屢敗

官軍。會鎮撫官督諸道兵並進。繼祖奔東川。婦家賊帥者色斬之以獻。尋甸。元德仁府。明改尋甸。今為州。屬

曲靖府。東川。注見前。乃改設流官。授鳳歷子思堯為經歷。歷以思

堯不得知府。怨望。復謀作亂。被擒誅死。鳳氏土職盡絕。

至是。鳳阿克繼祖之孫與賊黨鄭舉等。阿克徙居金沙江。有馬頭四十八人。而鄭

舉稱首。慄悍多力。富于財。知府陳典收禁之。舉以兼金置魚腹中。饋典。獲免。已復收之。如是者再四。舉惡其無

厭。乃誘阿陰結會川。注見前。諸蠻攻陷武定。大肆劫掠。連

破元謀。元縣。今屬武定府。羅次。元州。後改縣。今屬雲南府。諸城。索府印。會知

府携印會城。不能得。乃刼推官直抵會城。請冠帶印信。

鎮撫以徵兵未集。遣人以府印授之。賊退。入武定。立阿

EAST ASIAN LIBRARY
UNIVERSITY OF TORONTO LIBRARY
130 St. George Street

卷之二十三

克爲知府。

戊申三十六年春二月京師地震。

飭邊備。

是時蒙古喀爾喀諸部悉歸我

大清。薊遼總督蹇達疏陳東方隱憂宜早爲備。廷臣請亟

罷礦稅以安人心。不省。尋命守臣嚴備邊。

夏六月李成梁罷。

成梁始鎮遼東銳意封拜師出必捷威鎮絕域已而位

望益隆子弟盡列崇階。成梁弟成材參將子如松如柏

如梧如桂如楠僕隸無不榮顯貴極而驕奢侈無度軍

貲馬價鹽課市賞歲乾沒不貲全遼商民之利盡籠入

已。以是灌輸權門。結納朝士。中外要人。無不飽其重賕。爲之左右。其戰功率在塞外。易爲緣飾。若敵入內地。則以堅壁清野爲辭。擁兵觀望。甚或掩敗爲功。殺良民冒級。閭部共爲蒙蔽。以故物議沸騰。後中時行。許國王錫爵。相繼謝政。成梁失內主。遂以去位。其所藉健兒李平。胡孫守廉輩。皆富貴擁專城。暮氣難振。又轉相掎克。士馬爲之消耗。及成梁再鎮遼。又議棄六堡。爲言者論劾。帝素眷成梁。不之罪。及是罷。久之卒。年九十。

秋九月。武定賊平。

鳳阿克旣自立爲知府。益結賊徒。四出焚掠。所至殘滅。巡撫陳用賓。總兵沐獻俱以失事。下獄論死。時尋甸土

目揚禮亦結火頭者色及土婦海冲爲亂攻破嵩明

注見

前吏目韋宗孝學正龍旌死之官吏多爲賊殺御史周

懋相急調霑益

注見前

等處土兵擊之屢戰皆捷及是鎮

撫官分五路兵進勦鄭舉等方西破祿豐

元縣今屬雲南府知

縣蘇夢暘力戰死聞諸路兵已大集舉與阿克遂奔東

川官軍追及之土司祿哲縛阿克鄭舉以獻而參政楊

俊臣亦擊敗海冲副使羅希益復擊斬楊禮于是武定

及元謀羅次嵩明祿豐等州縣皆復械阿克等至京師

磔于市乃悉置流官

冬十一月朱賡卒

諡文懿

賡醇謹無大過與沈一貫同鄉相比睚眦給事中姚文蔚

錢塘以故蒙詎病。當一貫沈鯉。去位時。賡年已七十有
人。二。獨當國政。時朝事日弛。中外解體。賡疏揭月數上。請
帝更新庶政。帝雖優答之。而終不能行。至是。卒于官。贈
太保。

十二月。朶顏寇薊州。京師戒嚴。

朶顏長安之子賁雲丹。

舊作賴
暈反。

狡黠爲邊患。與其從父

莽吉爾。

舊作蟒金。
今並改。

潛入薊鎮。大掠河流口。參將馬棟等

不能禦。時援師所過。居民望見火光。驚爲敵至。逃入京
師者日數萬。九門盡閉。兵部尚書李化龍請以三十萬
金補薊鎮缺餉。并修守備之具。而度支告匱。戶部請暫
借內庫礦稅銀。限以歲月補還。帝難之。命發太僕寺馬

價十萬。戶部銀十萬。昇之。軍情稍定。敵以有備引去。

巳酉三十七年春三月。恭圖陷大勝堡。在錦州府錦縣北。

先是。桑顏結黃台吉。謀犯喜峰口。總兵官杜松。字來清。崑山人。

受總督王象乾。字子廓。濟南新城人。指潛搗黃台吉帳。以牽薊寇。

乃從寧遠中左所。夜馳恭圖營。掩殺百餘人。以大捷聞。

兵備副使馬拯。謂彼無故被勦。必復仇。事且叵測。至是。

果以五千人攻大勝堡。執守將耿尚仁支解之。殺掠幾

盡。復深入小凌河。注見前。二十二里。官軍禦之。大敗。時杜

松駐大凌河。在錦縣東。源出喀喇沁威蘇圖山。下流至鮎魚塘入海。不敢救。遼人

多咎松。部議亦以釁由杜松。令戴罪自効。松恚甚。言無

按諸臣。附會馬拯。害其奇功。乃自提兵出塞。將搗巢以

神宗怠政偷安已漸成痿痺結習至百司章疏盡束之高閣度置不觀遂致羣口紛呶肆無忌憚留中一節實為社政之尤葉向高不力請隨事批答以期戒曠廢而勵精勤僅欲為言路評其曲直已非正本清源之見乃并此不能行使樹黨者益相持不已甚且以飛章一劾即遣人固守其家迫之使去目中全無國憲朝廷亦若罔聞知尙成何世宙耶

雪前恥而所得止五級。士馬多陷沒。松益益慚。盡焚鎧仗。置兵事不問。乃勒還籍。

葉向高請發言官章疏不報。

時言路互相詆訐。帝心厭之。章悉留中。御史鄭繼芳。鹽山

人。力攻給事中王元翰。字伯舉。寧州人。貪婪不法。元翰亦疏詆

繼芳。左右二人者。復相角不已。向高請盡下諸疏。勅部

院大臣評曲直。罪其論議顛倒者一二人。以警其餘。不

報。諸臣既無所見。曲直益樹黨相攻。繼芳劾元翰奸賊數十萬。即潛遣人

圍守元翰家。元翰憤甚。乃盡出篋篋。昇置國門。縱吏士簡括。慟哭辭朝而去。吏部坐元翰擅離職守。謫其官。

庚戌三十八年夏四月。正陽門災。

時京師久旱。正陽門樓火。給事中周曰庠。臨川人。疏言。正

陽城樓與正殿相對。義取當陽。自萬歷二十年來。大小臣工。莫見聖容。朝夕左右。不過宦官。精明強毅之心。日蝕月消。而人材邪正。政事得失。都置膜外。昔年宮殿災。業已示譴。迄今十餘年。玩愒如初。所謂恭己正南面者。杳無時日。則何取于正陽之名爲哉。願稍振刷。勤庶政。親百姓。疏入不報。

冬十一月壬寅朔日食。

禮部右侍郎翁正春

字兆震。侯官人。

言前兩歲食四月朔。純陽

之月也。今食十一月朔。陽生之月也。豈非陽德有虧。是以上天譴告如此。日之食與更在一時。而皇上之寢與行。祇在一念。誠翻然轉移。太平盛業。將綿萬世。疏人不

報

辛亥三十九年春二月巡撫鳳陽都御史李三才罷

三才在淮久以凌折稅監得民心

山東稅監陳增兼領徐州數窘尋長吏獨

三才以氣凌之裁抑其爪牙肆惡者嘗密令死囚引為黨輒捕殺之增為奪氣歛人程守訓以賞官中書為增參隨縱橫自恣三才劾治之得贓數十萬增懼為已累亦收獲守訓違禁珍寶聞于朝論死遠近大快屢加至戶部尚書然頗通賂遺結納遍海內輔臣缺建議

者請參用外僚意在三才由是忌者日眾工部郎中邵

輔忠

定海人

劾其貪偽險橫御史徐兆魁

東莞人

喬應甲

猗氏人

給事中王紹徽

咸寧人

等十餘人繼之胡忻

泰州人曹于

汴

字自梁安邑人

等交章論救朝端聚訟數月未已顧憲成方

講學東林貽書葉向高孫丕揚盛稱三才廉直

三才與憲成深

李三才本一路遺結納之人矯飾沽名其心豈誠傾折東林者特深窺一時清流惡習因借疏素小廉家歛講社以圖內可把持朝局外堪標榜士林耳若高顧諸人用理學之名倡盛壇坫甚至輔臣臺諫莫不竿牘公行况如李三才久以幹臣重封疆未始不欲藉其聲勢資為攀援此真當日彼此託契之由非

唐論所能推見至隱者平之弊深禍亟焦爛為期蓋緣士氣日乖則人心日替而國運亦日衰可知勢會所趨即諸黨人亦難目王可勝歎哉

相結嘗請增大僚選科道錄遺佚因言諸臣祇以議論意見一觸當途遂永棄不收要之于陛下無忤今乃假天子威以錮諸臣復假忤主之名以文已過負國負君罪莫大此意為憲成發也三才用財如流水嘗宴憲成止蔬三四色厥明盛陳百味憲成訝而問之三才曰昨偶乏即寥寥今偶有故羅列憲成以此不疑其綺靡御史吳亮武進人素善三才以憲成書附傳邸報中由

是議者益譁三才力請罷去疏至十五上不得命遂自

引歸帝亦不罪也

三才才大而好用機權善籠絡朝士既家居忌者慮其復用御史劉光復

劾其盜皇木營建私第至二十二萬又侵奪官廩為園囿且言與于王立遙執相權意所欲用銓部輒為推舉

給事中劉文炳御史李徵儀等亦相繼論劾三才賁甚請諸臣會勘乃詔徵儀偕給事中吳京嗣往未幾光復

坐事下獄三才請釋之而復力為東林辨白言東林者

顧憲成講學之所從之遊者如高攀龍姜士昌錢一本

劉元珍安希范岳元聲薛敷教等並束身厲名行何負

國家哉偶曰東林更成陷弄如鄒元標趙南星等被以此名即力阻其准所朝上而夕下者惟史繼偕諸人耳

人才邪正實國祚攸關疏入眾益恨之

宣崑齊楚結黨紛紜日以
抨擊異同為事甚至京察
鉅典亦任若輩競起把持
而言路一攻廷臣即聞而
引去自昔門戶之患未有
甚于是時者總由神宗耽
習章奏悉置之不問
遂使黨勢益熾國脉浸傷
明社之旋即傾覆其故雖
非一端而人心世俗之壞

之無所得第如光復言還報遂落三才職為民方三才
之罷攻之者邵輔忠徐兆魁喬應甲等後皆附魏忠賢
名麗迹案而推轂三才若顧憲成鄒元標趙南星輩皆
表為時名臣故世以三才為賢劉光復青陽人于
王立字中南金壇人劉文炳寧晉人李徵儀廣德州人
吳亮嗣廣濟人姜士昌字仲文丹陽人安希范字小范
無錫人史繼
借晉江人

三月大計京官祭酒湯賓尹字嘉賓宣城人等降黜有差

時廷臣黨勢日盛賓尹與諭德顧天竣各收召朋徒干

預時政謂之宣崑黨皆以賓尹天竣所居縣目之也而

言路又有齊楚浙三黨自帝倦勤內外章奏悉留中不發惟言路一攻則其人自去以

積重不返放臺諫之勢齊則元詩教萊蕪人周永春金鄉人韓浚淄川人

張延登鄒平人為之魁而燕人趙興邦高邑人輩附之楚則

官應震黃岡人吳亮嗣麻城人田生金麻城人為之魁而蜀人田一

賓賓自沈鋼所由也

甲。忠州人。徐紹吉。保寧人。輩附之。浙則姚宗文。慈谿人。劉廷元。

平湖人。為之魁。而商周祚。會稽人。毛一鷺。遂安人。過庭訓。平湖人。

等附之。與賓尹天峻聲勢相倚。並以攻東林。排異已為

事。創大東小東之說。曰東宮為大東。東林為小東。一人

稍異議。輒羣起逐之。大僚非其黨。不得安于其位。天

下號為當。是年。當大計京官。惡東林者。設詞以惑吏部

尚書孫丕揚。令發單咨是非。將陰為鈞黨計。侍郎王圖

字則之。急言于丕揚。止之。羣小大恨。圖先與庚戌會試。

賓尹以庶子為分校官。嘗越房取其私人韓敬。字永仲。歸安人。

為第一。敬受業賓尹。及會試。敬卷為他考官所棄。賓尹

為第一。知貢舉侍郎吳道南。字會甫。崇仁人。欲劾之。未果。至是賓

湯賓尹越房搜卷拔取私人致十七人尤而效之。彼此抵換毫無忌憚。科場之弊已極。王圖身為主司。甘心為賓尹所用。吳道南職在知舉。固既確輒復自

尹已為祭酒。而圖方掌翰林院。祭酒京察例由掌院注

寢章皆顯戮之不容稍稽者乃以門戶依違罪名莫正僅藉一時察典薄罰去官厥後賈尹居鄉肆橫強奪主妻更恃熊廷弼爲之袒護雖有荆養禽殺人媚人之劾亦不過調停了事朝綱固可問耶

考。賈尹恐被察。屬圖鄉人王紹徽爲之請。圖峻拒之。又

御史金明時德清人居官不職。慮見斥。會有爲浙江巡按

鄭繼芳僞書抵紹徽者。書有云。欲去福清。先去富平。欲

脉斬。斷吾輩可以得志。福清謂葉向高。耀州兄弟。又言。秦

與其兄國富平。卽丕揚也。國時巡撫保定。圖爲侍郎。與

丕揚俱秦人。故曰秦脉。蓋小人設爲挑激語。以害繼

芳輩。而其書乃達之丕揚。丕揚不爲意。明時廉得之。明

時疑書出。選授御史徐縉芳。晉江等。時侯命乃先上疏。

力攻圖。并詆縉芳。因及僞書事。圖與縉芳皆疏辨。朝端

閤然及注考。丕揚與侍郎蕭雲舉。廣西宣化人。副都御史許

宏綱。東陽人。領其事考功郎王宗賢。清源人。都給事中曹于

汴。御史湯兆京。字伯閔。宜興人。喬允升佐之。兆京謂明時倡言

要挾逃察。丕揚特疏劾之。旨下議罪。而明時辨疏復犯

御諱。帝怒褫其職。其黨大譁。謂明時未嘗要挾。北京祇

以劾圖一疏。為圖報復。于是主事秦聚奎。漢陽人。力攻不

揚等。結黨欺君。不揚因發聚奎前為知縣時貪虐狀。劾

罷之。而賓尹。天堦。御史劉國縉。及前給事中鍾兆斗。陳

治則。餘姚人。宋一韓。姚文蔚。御史康丕揚。徐大化。會稽人。主

事鄭振先。武進人。張嘉言。湘潭人。等咸被察。又以年例出紹

徽。及其同官喬應甲于外。時察疏未下。黨人咸謂丕揚

二人嘗攻李三才。王元翰故為修隙。議論洶洶。禮部主

事丁元薦甫入朝。即抗章盡發宣崑。構謀狀。于是黨人

姚宗文等爭擊元薦為金明時訟冤。賴葉向高調

護至五月。察疏乃下。丁元薦字長孺。長興人。由是

諸失意者相繼攻不揚。及圖。至秋。圖遂引去。明年二月。

不揚亦拜疏歸。

初嘉隆以前。士大夫廉恥自重。以掛察典為終身之玷。及帝之世。閣臣有所徇。

庶間留一二以撓部權。而羣臣水火之爭。莫甚于是年。及丁巳。黨局既成。互相報復。至國亡乃已。事具後。

夏六月大水。

南北兩畿及湖廣皆大水。諸大吏請罷權稅以甦民命。不省。

秋九月。戶部尙書趙世卿上疏去位。

世卿饒心計。在戶部酌劑贏縮。軍國賴焉。福王成婚。及公主下嫁。凡額外宣索。世卿俱力爭。楚王與宗人相訐。世卿嘗官楚府長史。言王非僞。與沈一貫合。遂爲廷臣所惡。論劾相繼。世卿上疏乞罷。出城候命。踰年不報。乃乘柴車去。

壬子四十年夏五月甲午朔日食。

秋八月以刑部尚書趙煥

字文光，掖人。

兼吏部尚書。

時帝怠荒益甚。二十餘年未嘗一接見大臣。曹署多空。內閣止葉向高。杜門已久。六卿惟煥一人。又兼署兵部。至是改署吏部。兵部尚書李化龍卒。召王象乾未至。亦不除。侍郎戶工禮三部止各一人。都察院自溫純罷去。八年無正官。六科止數人。十三道皆以一人領數職。在外巡按十餘年不得代。督撫監司亦屢闕不補。郡守缺什之五六。文武大選急選官及四方教職積數千人。以吏兵二科缺掌印不給牒久滯都下。時攀執政輿哀訴。煥累疏乞除補。始除侍郎四人。既而考察命下。補科道。

六十餘人。時稱盛事云。

九月。李廷機罷。

廷機性廉潔。然頗刻深。不諳大體。

其在禮部。楚宗人華越以奏訐楚王。既擬

奪爵。錮高墻。廷機援祖訓。謀害親王例。議置之死。言路勢張。政府暨銓曹畏之。不敢出諸外。年例幾廢。主事聶雲翰論之。廷機希言初入閣。廷臣爭論之。廷機累疏乞

路意。中雲翰察典。休。不允。杜門不出。待命踰年。乃屏居荒廟。人跡都絕。言

者猶攻之不已。至是。疏已百二十餘上。不得命。竟歸。

廷機

繫閣籍六年。秉政止九月。無大過。言路以其與申時行。沈一貫。密相比。故交章逐之。輔臣以齟齬受辱。屏棄積

年而後去。前此未有也。歸四年卒。贈少保。諡文節。

癸丑

四十一年。春。三月。加淮揚田賦。

時江上有倭警。需餉急。鳳陽巡撫陳薦。

人。祁陽

請加派銀

十五萬兩有奇。從之。

夏六月。詔布色圖襲封順義王。

三十五年。順義王徹哩克死。孫布色圖應嗣。求婚于忠

順夫人。忠順拒之。其所部薩納台吉。舊作素囊台吉。及烏嚕台

吉。舊作五路台吉。今並改。等。各不相下。封號久未定。至是。布色圖

始婚于忠順。東西諸部長。皆具狀為請封。忠順夫人旋

卒。詔封布色圖為順義王。然勢益衰。不復能力制諸部

矣。時布色圖所制。止山大二鎮外十二部。其部長烏嚕

台吉薩納額森台吉等。兵力皆與順義埒。朝廷因宣

大總督涂宗濬言。各與陞賞如例。涂宗濬。南昌人。額森台吉。舊作兀慎台吉。今改。

秋七月。兵部尚書孫瑋。字純玉。渭南人。罷。

瑋素負時望。以兵部尚書兼掌都察院左都御史事。方

欲振肅風紀。而是時朋黨勢成。言路大橫。會御史孫居

相。給事中孫振基。

字肖岡。漳關衛人。

再發湯賓尹科場事。

賓尹以考

察褫官。韓敬亦稱疾去。事三年矣。曾進士鄒之麟。分校

順天鄉試。所取童學顏有私。居相并賓尹事發之。旨下

部院議。顧不及賓尹事。振基疏請並議。未得命。禮部侍

郎翁正春。議黜學顏。謫之麟。亦不及賓尹等。振基謂議

者庇之。上疏論劾。帝再下廷臣議。正春乃坐敬不謹落

職。于是黨人忤詩教等。交章論列。并劾正春。紛呶不已。

鄒之麟。武進人。

而南畿巡按御史荆養喬。

臨晉人。

與提學御史

熊廷弼。復以賓尹鄉人事相訐。

賓尹家居。嘗謀奪生員施天德妻為妾。訐訟。女

投池死。諸生馮應祥。芮永縉輩。遂告于官。為建祠以愧

賓尹。後永縉又發諸生梅振祚。宣祚。朋姦事。廷弼素交

歡賓尹。判牒云。此施湯故智。會有司報永縉及應祥行

劣。廷弼杖之。永縉尋斃。養喬夙與廷弼抵牾。遂劾廷弼

殺人媚人。疏上。徑自瑋議養喬鐫秩。廷弼解職聽勘。廷

弼歸。廷弼亦上疏辨。瑋議養喬鐫秩。廷弼解職聽勘。廷

弼黨官應震。吳亮嗣。遂連章攻瑋。而振基及諸給事御

史劾應震等植黨背公。南北臺諫議論方囂。各有所左右。而帝竟如瑋言。令廷弼解職。吏部尚書趙煥。元詩教鄉人也。惟詩教言是聽。以年例出振基。及御史王時熙。南昌人。與時熙俱人。魏雲中。武鄉人。與時熙俱人。力攻賓尹。廷弼者。于外。不關都察院。瑋以失職求去。疏十餘上。始予告歸。

大水。

兩畿。河南。山東。湖廣。江西。廣西。俱大水。

八月。以方從哲

字仲涵。其先德清人。隸籍錦衣衛。

吳道南並為禮部尚書。

兼東閣大學士。預機務。

自朱賡卒。李廷機罷。葉向高遂獨相。屢請增置閣臣。章百餘上。至是始命二臣入閣。時道南在籍。踰年乃至。故

事。廷臣受官。先面謝。始蒞任。帝久不視朝。道南至。不獲見。不敢入直。從哲爲言。帝令先蒞任。道南始視事。

九月。吏部尙書趙煥罷。

煥素有清望。于朝臣無所左右。顧雅不善東林。故諸黨人攻東林者。乘間入之。所舉措。往往不協清議。先後爲

御史李若星。

字紫垣。息縣人。

給事中孫振基等所劾。煥遂乞罷。

葉向高請諭煥起視事。

向高言。今國事艱難。人才日寡。在野者旣賜環無期。在朝者復

晨星無幾。乃大小臣工。日尋水火。甚非國家福也。臣願自今以後。共捐成心。憂國事。議論聽之言官。主張聽之當事。使大臣得展布。而毋苦言官之掣肘。言官得發舒。而毋患當事之摧殘。天下事尙可爲也。煥乃出。

旣而御史湯兆京。以振基出外。不移咨都察院。守故事。

力爭。不得。投劾徑歸。其同官李拜華。

字孟闇。吉水人。

周起元。

字仲

先海澄人。

孫居相及郎中賀煥。

丹陽人。

復交章劾煥擅權。帝為

奪諸臣俸。貶煥官。以慰煥。煥請去益力。遂叩首闕前。出

城待命。踰月。乃許乘傳歸。

甲寅

四十二年春二月。以鄭繼之

字伯孝。襄陽人。

為吏部尚書。

繼之年八十餘。耄而憤。一聽楚黨意指。文選郎王大智

玉田人。

繼之所倚信。已而復任胡來朝。

贊皇人。

定制。科道外

轉必會都察院吏科協議。自趙煥始。及繼之。皆不令與

聞。都給事中李瑾

襄陵人。

抗章力爭。御史周起元等亦引

故事以言。瑾爭之尤彊。來朝不能難。乃嗾其黨羣起攻

之。瑾疏三上。來朝亦三疏詆訐。詞頗窮。乃言年例協贊

之旨。實秉國者調停兩袒。非可為制。乞改前令從事。帝

一無所處分。時給事中張國儒已陪推京卿。法不當轉外。來朝以其異已。遂出之。繼之不能禁也。

慈聖皇太后李氏崩。

諡孝定。

太后性嚴明。萬歷初政。保護之力居多。姜應麟以疏請建儲。被謫。太后聞之。弗善也。一日。帝入侍。太后問故。帝曰。彼都人子也。內廷呼宮人曰都人。太后亦由宮人進。遂大怒曰。爾亦都人子。帝伏地不敢起。儲位由是定。福王之藩期屢易。鄭貴妃欲遲之明年。以祝太后誕。爲辭。太后曰。吾潞王亦可來上壽乎。貴妃乃不敢留。王未行。而太后崩。

三月。福王常洵之國。

裂地以王諸子。明祖弊政
本不足法。至神宗溺愛福

王及出就藩封營邸後踰常制而且膏腴鹽羨頃國用以斥治行裝適足啟其驕奢貪恣之漸迫後羣盜生心卒以象齒自焚不可謂非貽謀之不善至于之藩定期屢易不過神宗愛憐少子福王依戀庭闈而廷臣輒疑其逗遛意在奪儲交章敦促已為過當乃奸人亦從而效尤敢撫謬悠之說以逞其讒鼓甚且入皇城放礮實為法所難寬而刑臣不敢如誅閹臣請以靜處姑息養奸恬不為怪當時法令之弛尙可問乎

初福王婚費三十萬營洛陽邸第至二十八萬十倍常制又設官店于崇文門外以供福邸及府第成廷臣請

王之藩者數十百奏不報四十一年春廷臣復交章力

請帝以明春為期已忽傳旨莊田非四萬頃不行廷臣

大駭葉向高因言莊田四萬頃必不能足今王之國且無日明旨又不信于天下矣且王疏引祖制而祖

制無有是事曩惟世宗時景王有之景王久不之國皇考在裕邸危疑不安此何可效也帝報曰莊田自有成

例且今大分已定何猜向高又言皇考時各位雖未正然講讀不輟情意自通今東宮輟講八年且不奉天顏

久而福王一兩見以故不能無疑惟堅守明春期而無以莊田藉口天下疑自釋會錦衣百戶

王曰乾訐奏鄭貴妃內侍姜嚴山與奸人孔學及妖人

王三詔等用厭勝術詛咒皇太后皇太子死欲擁立福

王曰乾京師奸人與孔學趙宗舜趙聖等相訐告刑官

獻未竟曰乾乃入皇城放礮上疏刑官大驚將擬以

死罪。曰乾遂許學等謀變。欲以害之。帝震怒。葉向高請帝以靜處之。因言曰。乾疏不宜發。宜留中。而別諭法司治諸奸人罪。且速定福王明春之國期。以息羣喙。帝納其言。尋又諭改期。向高封還手勅力諫。帝不得已從之。至是始令就藩。歷年稅使。礦使。所進珍奇羸羨。悉以資之。賜莊田二萬頃。以廷臣言。中州腴土不足。取山東湖廣田益之。王又奏減去二萬。中州舊食河東鹽。以改食淮。乞淮鹽數千引。開市洛陽。中州舊食河東鹽。以改食淮。鹽。河東引遏不行。邊餉由此大絀。

釋楚宗幽禁諸人。

楚宗之獄。廷臣互有左右。歷數年。卒不得白。至是禮部侍郎孫慎行。字聞斯。武進人。力言。楚宗殺趙可懷。不得爲叛。乃

稱太后遺詔釋之。

夏六月葬孝定皇后于昭陵。

秋八月禮部侍郎孫慎行罷。

慎行素講學東林爲黨人所忌及在禮部遇事皆切諫。

時郊廟大享諸禮帝二十餘年不躬親東宮輟講至八年皇長孫九齡未就外傳瑞王年二十三未婚福府莊

田取盈二萬將之國貴妃韓敬科場議久不定慎行特復請留王慎行並力言之韓敬科場議久不定慎行特

擬黜敬黨人祖敬者追論湯賓尹越房取卷時各分考俱效之競相搜取因欲十七人並罪藉以寬敬

慎行乃集廷臣議卒坐敬黨人益大恨會疏上留中于

關節而爲十七人昭雪是過廷訓示詩教等相繼攻之慎行遂連疏引歸時敬

事先後與敬爲難者非出外卽引去而敬以黨人護持久之僅謫行人司副凡七年而事始竟

葉向高罷。

向高以宿望居相位。每事執爭效忠。蓋帝心重之。而其言多格不用。所救正十二三而已。向高嘗疏言。今天下數端。而災傷寇盜。物怪人妖。不與焉。廊廟空虛。一也。上下否隔。二也。士大夫好勝喜爭。三也。多藏厚積。必有悖出之變。四也。風聲氣習。日趨日下。不可挽回。五也。非陛下奮然振作。無任老成布列。朝署取積年廢弛政事。一舉新之。恐宗社之憂不在敵國。外患而在廟堂之上也。帝不能用。向高復言。陛下欲用臣。則當行臣言。今章奏不發。大僚不補。起廢不行。臣留何益。又言。今中外離心。輦轂肘腋間。怨聲憤盈。禍機不測。而陛下務與羣臣隔絕。帷幄不得開。其忠六曹不得舉。其職舉天下無一可信之人。而自以爲神明之妙用。臣恐自古聖帝明王。無此法也。帝嘗臥疾。閣中無人。章奏就其家擬旨者一月。俱不省。後堅臥不出。卽家擬旨如前。論者以爲非體。及主癸丑會試。章奏皆送闈中。尤爲異事。累疏引退。輒優旨慰留。至是疏四十餘上。詞極哀。始允其去。

妄男子闖入禁內有應
坐之旨風顛與否本無事
深求自盈廷議論紛呶釀
成疑案總由當時翊坤壇
寵好名者輒欲以妄儲自
任遂爾遇事生風不知鄭
妃果意存奪嫡則宮掖陰
謀豈能防測何必令狂徒
持挺公肆逆圖況太子深
處慈慶又豈一擊之所能
傷顧蓄意三年僅成孟浪
之舉雖至愚不應出此下
策其事固情理所必無乃
舉國若狂妄生荆棘必待
至尊臨軒剖晰東宮委曲
求全君臣父子之間至以

乙卯四十三年春三月丁未朔日食。

夏五月畿內山東旱。

男子張差持挺入慈慶宮伏誅。

太子居慈慶宮有不知姓名男子持棗木挺入宮門擊
傷守門內侍至殿前檐下被執皇太子奏聞帝命法司
案問廵視皇城御史劉廷元鞠奏犯名張差薊州人口
中呶呶語無倫次按其迹若涉風顛稽其貌實係黠猾
請下法司嚴訊時東宮雖久定帝待之薄中外方疑鄭
貴妃與其弟國泰謀危太子及差被執舉朝驚駭廷元
既以風顛奏刑部郎中胡士相平湖人等復訊一如廷元
指言差收積薪草為人所燒氣憤赴朝聲冤行至東
華門遇一人謂持挺入可當冤狀遂悞入東宮按

文偽調停尙復成何事體
雖由諸臣之好事生非亦
可見建儲之無益有損其
流弊固無所不至耳

律當斬加等立決奏定未上會提牢主事王之案

字心一朝

邑散飯獄中私詰差得口詞甚悉

差初不肯承已云不敢說之案麾左右出

留二吏扶問之始言小名張五兒有馬三舅李外父令

隨不知姓名一老公說事成與汝地幾畝此至京入不

知街道大宅子一老公飯我云汝先衝一遭遇人輒打

死乃界我棗木棍導我由厚載門到宮擊門者墮地老

公多遂被執老之案備揭其語因侍郎張問達以聞且

言差不癲不狂有心有膽乞縛凶犯勅九卿科道三法

司會問疏入未下廷臣連章趣之而郎中陸大受

字疑遠武

進疏有奸戚二字帝惡之與之案疏俱不報御史過庭

訓言禍生肘腋宜亟翦除亦不報庭訓遂移文薊州蹤

跡之知州戚延齡具言其致癲始末

言貴妃遣璫建佛寺璫置陶造壁居

民多鬻薪獲利者差賣田買薪往市于璫土人忌之焚

其薪差訟于璫被責差產破薪焚不勝憤故持挺欲告

御狀。于是原問諸臣。據爲口實。遂以風癲二字爲定案。越

數日。問達以員外郎陸夢龍。字君啟。會稽人。言。令十三司會鞠。

衆咸囁嚅。夢龍獨詳訊之。具得內監龐保、劉成主使狀。

夢龍見差長身駢脅。睨視傲語。絕無風癲狀。因呼紙筆。

命畫所從入路。須臾圖成。具供馬三舅。名三道。李外父。

名守才。不知姓名老公。乃修鐵瓦殿之龐保。不知街道

宅子。乃住朝外大宅之劉成。且言二人與我金銀壺各

一。參我已三年。令我打上宮門。打得小爺。喫有茗有小

爺者。內監所稱皇太子者也。又言有姊夫孔道同謀。凡

五。于是刑部行薊州道提差所供馬三道等疏。請法司

提龐保、劉成對質。保成皆貴妃內侍。中外籍籍。語多侵

國。泰國泰懼。出揭自白。給事中何士晉。字武莪。宜興人。直攻國

泰且侵貴妃。士晉疏言。國泰若欲釋人疑。惟明告貴妃。如

主謀。是大逆罪人。非但貴妃不能庇。卽陛下亦不能庇。設與國泰無干。請令國泰自任。凡皇太子、皇長孫一切

起居。悉屬國泰保護。稍有疎虞。罪卽坐之。則臣與在廷諸臣。亦願陛下保全國泰。無替恩禮。若國泰畏有連引。預災惑聖聰。久稽廷訊。或潛散黨與。使之遠遁。或陰初。張差。以冀滅口。則國泰罪不容誅矣。疏入。帝大怒。初。奸人王曰乾。上變言巫蠱事。辭已連成。至是復涉成。帝心動。諭貴妃善爲計。貴妃窘。乞哀皇太子。自明無他。帝令太子白之廷臣。太子亦以事連貴妃。大懼。請帝速具獄。毋株連。帝乃御慈寧宮。太子侍御座右。三皇孫雁行列左。堦下召大學士方從哲。吳道南及文武諸臣入。責以離間父子。因執太子手。謂諸臣曰。此兒極孝。朕極愛惜。使朕有別意。何不早更置。御史劉光復跪于班後。大言曰。皇上甚慈愛太子。甚仁孝。其意固將順也。帝不甚悉。詰問爲誰。中使以御史劉光復對。光復猶大言不止。帝令中涓縛之。著刑部重擬。光復罪。因命內侍引三皇孫至石級上。令諸臣熟視曰。朕

諸孫俱已長成。更何說。顓問太子有何語。與諸臣悉言。無隱。太子具言瘋癲之人。宜速決。并責諸臣。言我父子何等親愛。而外廷議論紛如。爾等爲無君之臣。使我爲不孝之子。帝復謂諸臣曰。爾等聽皇太子語否。復連聲重申之。諸臣叩頭出。遂磔差于市。掠死成。保禁中馬三道等皆議流。其事遂止。帝不見羣臣。二十有五年矣。至是特一出以釋羣疑。且調劑貴妃太子。念其事似有迹。故于諸言者亦不遽罪也。未幾。士晉調外。之案削籍。大受奪官。而夢龍獨免。光復尋釋。

亦見

秋。閏八月。河套諸部犯延綏。官軍禦之。敗績。

是時套虜號十萬。然其衆分四十二枝。多者二三千少

不過千騎。惟布色圖之子濟農。士馬雄諸部。為套中之

主。先是蒙克錫里

舊作猛克。什里。今改。

等以挾賞不獲。數沿邊寇

掠。總兵官秉忠隨所向以勁騎遮擊。屢破之。寇遂遁去。

至是濟農挾求封王。且請市賞。邊臣不許。濟農遂合套

中諸部大舉入寇。東道高家

在葭州北。

大栢油

在神木縣西。

神木

栢林

在神木縣西南。

中道波羅

在榆林府懷遠縣東北。

西道磚井

在延安府定邊

縣寧塞

在延安府靖邊縣西。

諸城堡盡被蹂躪。副將孫洪謨禦之。

大栢油遇伏被執。士卒死傷過半。官秉忠聞寇入。急遣

遊擊張榜潛刦其營。又敗死四百餘人。會故帥杜松寧

夏總兵杜文煥

字敬武。松之姪。

援軍至。共擊之。寇始敗退。秉忠

被劾罷去。

冬十月京師地震。

丙辰四十四年。

春正月我

太祖高皇帝建元天命元年。

臣等謹按一代之興鴻猷炳鑠史家紀載必據實以徵文我

國家王迹肇基大東奄宅前卷中所載整旅興師既已恭述大略至于紀年系統正續綱目于周末元末書宋明二太祖事間有參差未為允當伏思我

朝龍興之始雖明統未亡而與朝建國紀年例應大書以昭肇基偉績臣等屢蒙

睿訓指示仰見

聖天子大公至正之心實超越千古謹于萬歷四十四年以後

凡恭遇列聖建元之初並繫月特書用表

創垂之統而歲首則仍存明之紀年庶前後體例均歸盡善而我

皇上筆削維嚴之至意與

續承靡數之盛心並足昭垂萬世云。

我

太祖高皇帝自誅尼堪外蘭之後國勢日降葉赫等九部來侵

大破其衆事在辛卯年哈達貝勒蒙格布祿爲葉赫所誘將

害我助防哈達之兵征克其城獲之以歸事在己亥年輝發

貝勒拜音達哩亦貳于葉赫數背盟約率兵滅之撫定

其國事在丁未年烏拉貝勒布占泰嘗戰敗被俘釋遣歸國

申以姻好布占泰復謀背叛屢討不悛遂大舉伐之布

占泰勢窮奔于葉赫其國遂滅事在癸丑年時葉赫貝勒錦台什居東城布場

古居西城既而我

太祖復定取葉赫策遣一軍圍布場古而

親督大兵圍錦台什破其城錦台什就執布場

古亦降葉赫屬城俱下事在己未年

太祖既削平諸國德威遐播又製國書先以蒙古字合國語聯綴成句創立滿洲文尋

復以十二字頭無圈點。上下字。定旗制。初制平諸國。設雷同無別。因加圈點以分析之。有四旗。旗以純色為別。曰黃。曰紅。曰藍。曰白。尋添設四旗。參用其色鑲之。共為八旗。分左右翼。規模宏遠。帝業已成。于是諸貝勒大臣等咸奉表勸進。以正月壬申朔。尊

太祖為覆育列國英明皇帝。以是年為天命元年。

是歲兩畿山東河南大饑。

夏秋陝西山西旱蝗。江西廣東湖廣大水。

三月辛未朔日食。

夏六月天鼓鳴。

兵科給事中熊明遇

字良孺進賢人

疏言。入春以來天鼓兩鳴。

于晉地。流星晝隕于清豐。

唐縣今屬大名府

地震二十八。天火

九石首

晉縣。今屬荊州府。

雨菽。河內女妖。遼東兵端吐火。卽春

秋二百四十年間。未有稠于今日者。且山東大祲。人相

食。黃河水羨溢。兼以太白經天。輔星湛沒。熒惑襲月。金

水愆行。或日光無芒。日月同暈。爲恒風。爲枯旱。天譴愈

深。而陛下所行。皆誣天拂經之事。此誠禽息碎首。韓詩外傳。

禽息。秦人。薦百里奚于穆公。爲私而加刑焉。公後知奚

之賢。召禽息謝之。禽息曰。臣聞忠臣進賢不私顯。烈士

憂國不喪志。奚陷刑。臣之罪也。乃對使者。以首觸楹而死。賈生痛哭之時也。敢以八

憂。五漸。三無之說進。內庫太實。外庫太虛。可憂一。餉臣

插部。覲賞。可憂三。黃河泛濫。運河膠淤。可憂二。套部。圖王。

天。楚苦索地。可憂五。鼎鉉不備。棟梁常撓。可憂六。羣苦荒

盈衢。訛言載道。可憂七。吳民喜亂。冠履倒置。可憂八。八

憂未已。五漸繼之。太阿之柄。漸付中涓。魁壘之人。漸如

隕籜。制科之法。漸成奸藪。武庫之器。漸至銷亡。商旅之

途。漸至梗塞。五漸未已。三無繼之。匹夫可熒惑。天子小

校可濫邀絲綸。是朝廷無紀綱。滇黔之守令皆窮途。揚
粵之監司多規避。是遠方無吏治。讒構之口甚于文戟。
傾危之禍慘于蘇張。是士大夫
無人心。天下事可不寒心哉。帝不省。

套虜犯延綏。總兵官杜文煥破降之。

延綏被寇。文煥赴救。大破之。遂代官秉忠鎮延綏。屢敗

寇衆。浩爾齊布延泰

舊作卜言太。

沙津

舊作沙計。今並改。

等懼。相率

降。既而復與濟農合。駐高家柏林。要封王補賞十事。文

煥襲其營。斬首百五十。浩爾齊諸部落攢刀立誓。獻罰

九九

部落中。罰駝馬牛羊之數。

已沙津。又設伏兵。誘殺都指揮王國

安。糾蒙克錫里連犯雙山。

在榆林縣東南。

波羅二堡。文煥擊破

之。追奔二十餘里。寇屢不得志。沙津乃與濟農蒙克錫

里浩爾齊布延泰等。相繼納款。延綏遂少事。

詰戎肄武本非獨恃團操
具文所能握其機要況時
當邊備日弛士心解體方
有日蹙百里之勢為樞臣
者卽以簡練將材庀儲軍
實叩閤力陳猶懼不克有
濟至京營停操三年果能
力為整飭如古中尉衛尉
所隸亦可稍資捍禦之用
乃計不出此徒云當新戎
壘以應秋氣明季諸臣不
知國家利病習為文貌之
言且塞責皆此類誠可

秋八月皇太子出閣講學。

皇太子輟講已十有二年。羣臣諫疏凡數百上。及是始
命舉行。然一講而輟。後不復舉矣。

九月兵部請治兵不報。

前以孝定太后喪停操三年。至是兵部上言。大禮久竣。
當新戎壘以應秋氣。不省。

丁巳四十五年夏旱。

自去冬無雪。入春不雨。至是大旱。災歉遍天下。有司請
賑。率寢不報。盜賊四起。帝但勅羣臣修省而已。

秋七月癸亥朔日食。

吳道南罷。

笑亦可憫矣

道南遇事有操執。通達政體。頗負時望。自入閣後。未嘗

一見帝。及挺擊之變。帝召見羣臣于慈寧宮。道南始得

面謝。自後不再見。前年典會試。副都御史沈季文

吳江人。

子同和。以代倩獲第。事覺。同和遠戍。

同和素不能文。倩同里趙鳴陽爲之。

同和得舉第一。鳴陽第六。事發。兩人並謫戍。

湯賓尹以道南嘗欲發其科場

事。遂嗾其黨交章論之。給事中劉文炳。御史張至發

淄川人。

相與攻之。尤力肆口詆譏。道南不能堪。言臺諫劾閣

臣職也。二百年來有糾閣臣之言官。無詈閣臣之言官。

臣辱國已甚。請立罷黜。帝爲謫文炳于外。言官疏救。文

炳復詆道南。道南益求去。杜門踰年。疏至二十七上。帝

猶慰留。會母喪乃歸。居二年卒。

贈少保。諡文恪。

戊午四十六年。四月。京城壕水赤。

大清兵克撫順。

時我

太祖親率步騎兵二萬進發。臨行。書七大恨告

天。其詞曰。

祖我之

父未嘗損明邊一草寸土也。明無端起釁。邊陲害我。祖父恨一也。明雖起釁。我尚欲修好。設碑勒誓。凡滿漢人等。毋

越疆圍。敢有越者。見即誅之。見而故縱。殃及縱者。詎明復渝誓言。逞兵越界。衛助葉赫。恨二也。明人于清河以

南。江岸以北。每歲竊踰疆場。肆其攘奪。我遵誓行誅。明負前盟。責我擅殺。拘我廣寧。使臣綱古哩方吉納。挾取

十人。殺之邊境。恨三也。明越境以兵助葉赫。俾我已聘之女。改適蒙古。恨四也。柴河三岔撫安三路。我累世分

守疆土之眾。耕田藝穀。明不容刈穫。遣兵驅逐。恨五也。邊外葉赫。獲罪于

天。明乃偏信其言。特遣使臣遺書詬罵。肆行陵侮。恨六也。昔哈達助葉赫。二次來侵。我自報之。

天既授我哈達之人矣。明又黨之。挾我以還其國。已而哈達之

人。數被葉赫侵掠。夫列國之相爭伐也。順天心者勝而存。逆天意者敗而亡。何能使死于兵者更生。得其人者更還乎。

天建大國之君。即為天下共主。何獨構怨于我國也。初呼倫諸國。合兵侵我。故

天厭呼倫。啓釁。惟我是眷。今明助天。譴之葉赫。抗天意。倒置。隨是非。罔為剖斷。恨七也。因此七大恨之故。是以征之。隨

告諸貝勒大臣。以興師之故。遂趨撫順。圍其城。遣人以

書諭遊擊李永芳。永芳降。撫順。東州。瑪哈丹。三城。及臺

堡悉下。

撫順守將王命印死之。

廣寧總兵張承廕。

榆林衛人。

率師往援。

分兵為三。據險立營以待。

大軍乘風奮擊。大破其營。承廕及副將頗廷相。參將蒲世

芳等。皆戰死。士卒逃歸者。十無一二焉。

時察罕胡土克圖。及西部阿延。

妻滿達勒。皆擁眾入邊。乘機邀賞。羽書日數十至。中外戒嚴。帝初頗憂懼。章奏時下。不數月。泄泄如故矣。

前此征倭之役楊鎬已悉天下之全力一舉喪之尙敢詭詞報捷其罪既不容誅至撫遼仍復故官旋以開覺劾罷安望復有經畧之效廷臣無識者稱熟諳邊情濫邀推轂不旋踵而措置茫然全軍並覆鎬固死有餘辜而廷評之顛倒是非曾概見矣

日中有黑子。

閏月。起楊鎬經略遼東。

初征倭事竣復用鎬巡撫遼東嘗襲綽哈之衆破之言官劾其開釁罷去至是以遼警廷議謂鎬熟諳邊事起兵部尙書往經略。

六月復以趙煥爲吏部尙書。

先是丁巳京察鄭繼之與署都察院尙書李誌縉雲人主

其事考功郎趙士諤給事中徐紹吉御史韓浚佐之所

去留悉出紹吉等意繼之誌受成而已一時清流與黨

人異趣者斥逐殆盡卽在籍不免大僚則中以拾遺孫

慎行趣福王之國爲邀功列之善類爲空至是繼之去拾遺疏中帝察慎行無罪獲免

位。元詩教以煥爲鄉人。老而易制。力引代繼之。年七十有七矣。比至。一聽詩教指揮。由是素望益損。與繼之並爲時議所譏。

京師地震。

秋。七月。

大清兵克清河堡。

時

大兵由鴉鵲關入圍清河城。守將鄒儲賢。張旆以兵萬人固守。城上矢石俱下。

大兵樹雲梯以登。不避鋒刃。遂克之。儲賢旆皆戰死。清河在四山之中。東距寬甸。南距靉陽。北距瀋陽。清河旣失。

全遼震動。而諸路兵尙未出關。帝賜楊鎬尙方劍。得斬總兵以下官。鎬乃斬清河逃將陳大道。高炫徇軍中。至冬。四方援兵始集。

九月。加天下田賦。

帝以遼左軍餉不敷。除貴州地磽。兼有苗變。不加外。餘省照萬歷六年會計錄。派定七百餘萬頃。每畝加三釐六毫。共加銀二百萬有奇。次年復加賦額至八百萬。時遼餉五百餘萬。軍心賴以粗安。而天下蕭然。民生困弊矣。

茂陵災。

冬十月。彗星見。

見氏分後十數日。犯太微。又三日。逼紫微垣。凡三十四日乃滅。

巳未四十七年春正月。蚩尤旗見。

長竟天。又星隕地震。時方議進師。識者以爲兵敗之徵。三月。楊鎬帥師出塞。敗績。

帝以四方援遼兵大集。恐師老財匱。下廷議。方從哲與兵部尙書黃嘉善卽墨人。兵科給事中趙興邦等。發紅旗

日趣鎬進兵。鎬乃于二月中出塞。分兵四道。令總兵官

馬林

蔚州人。芳之子。

出開原。攻北僉事潘宗顏。

字士贊。保安衛人。

監其

軍。杜松出撫順。攻西。以趙夢麟

榆林人。苛之子。

王宣

亦榆林人。

爲佐。

李如柏從鴉鵲關

方輿紀要。在清河東。南。關之東有喜昌口。

出趨清河。攻南。

東南則以劉綎出寬甸。出涼馬甸。在寬甸東北。亦曰瞭馬臺。搗後。以

副使康應乾監之。而令遊擊喬一琦。字伯珪。上海人。別監朝鮮

兵為助。號四十七萬。期三月一日。會二道關。在今興京城西。

並進。天大雪。兵不前。師期洩。松欲立首功。先渡渾河。即古

小遼水。自邊外流入。經興京東北境。入太子河。連克二小砦。遂

乘勢趨薩爾滸。舊作撒爾。湖。今改。谷口。我

大清方築界藩城。在興京西北。鐵背山上。役夫萬五千。以精騎四百

護之。聞松軍至。伏精騎于谷口以待。松軍過。將半。伏兵

尾擊之。追至界藩渡口。與築城夫合。據吉林崖。松引軍

圍崖。別遣將營薩爾滸山上。松軍攻崖。方戰。

大清益千人助之。已又續遣二旗兵。趨界藩以為援。而別

遣六旗兵攻松別將于薩爾訥山上。明日六旗兵大戰破薩爾訥軍。死者相枕藉。所遣助吉林崖者。自山馳下。擊松軍。二旗兵亦直前來擊。松與夢麟。宣皆死。全軍盡覆。林率開原兵出三岔口。在今奉天府海城縣西。明置三岔關。今廢。聞松軍敗。結營自固。

大清兵乘高奮擊。林大敗遁去。

尋謫充爲事官。令仍守開原。

潘宗顏力

戰死。鎬聞急檄止如栢。綖兩軍如栢甫抵虎攔關。

大清哨兵二十人見之。登山鳴螺。作大軍追擊狀。如栢軍

大驚。奔走相蹴死者亦千餘人。綖已深入三百里。至深

河。

輿程。凡寬甸東北。由鎮江路二百五十餘里。爲深河子。皆小徑深林。

克三砦時

大清兵守棟鄂路。聞綖軍至。逆戰。綖猶不知杜松軍覆。復

整衆進登阿布達哩岡遇

大清兵亦登岡出其上而別以一軍趨綏西岡上軍自高

馳下奮擊綏軍趨綏西者復從旁夾擊已乃張松旗幟

被其衣甲以紿綏營中大亂力戰死綏養子劉招孫

突圍手格殺數人亦死

綏于諸將中最驍勇大小數百戰名震海內所用鎗鐵刀百二

十斤天下稱爲劉大刀自綏死舉朝大悚邊事口難爲矣本朝賜專諡忠壯士卒脫者無幾

時康應乾兵及朝鮮軍營富察之野

大清遂移師邀擊大破之應乾僅以數百騎免一琦敗走

朝鮮營朝鮮帥懼率衆降一琦投崖死是役也文武將

吏前後死者三百一十餘亡失馬駝甲仗無算敗書聞

京師大震言官交章劾鎬尋逮下詔獄論死

夏四月遣給事中姚宗文閱遼兵。

初宗文丁憂歸還朝欲補官而吏部題請諸疏率數年不下宗文患之假招徠西部名屬當事薦已疏屢上不得命宗文計窮致書熊廷弼令其代請廷弼不從宗文怨之至是夤緣復吏科遂命閱視遼東士馬。

六月以熊廷弼爲兵部侍郎兼右僉都御史經略遼東。

楊鎬旣喪師廷議以廷弼嘗按遼熟邊事

廷弼前按遼趙楫李成梁

議棄六堡宋一韓論之下廷弼復勘具得棄地驅民狀劾兩人罪康丕揚黨庇疏竟不下時有詔興屯廷弼言遼多曠土歲于額軍八萬中以三分屯種可得粟三十萬石帝優詔褒美命推行于諸邊邊將好輕師啟釁廷弼言防邊以守爲上繕垣建堡有十五利奏行之在遼數年杜餽遺核軍實按劾將吏不事姑息風紀大振

命代鎬經略未出京我

大清兵已克開原。馬林敗沒。

是弼上言。遼左京師肩背。河東遼鎮腹心。開原又河東根

本。開原今已破。則北關難保。朝鮮亦不足恃。遼藩何可

守也。乞速遣將備芻糧。修器械。毋窘臣用。毋緩臣期。毋

中格以阻臣氣。毋旁撓以掣臣肘。毋獨遺臣以艱危。以

致誤臣。誤遼兼誤國也。疏入。報允。

北關在奉天府葉

赫城。甫出關。鐵嶺復失。瀋陽及諸城堡軍民。一時盡竄。

遼陽洶洶。廷弼兼程進。遇逃者諭令歸。斬逃將劉遇節

等三人。以祭死節之士。誅貪將陳倫。劾罷總兵李如楨。

如楨。成梁第三子。素不知兵。由父蔭。歷官至右都督。並

在錦衣。會其兄如柏革任。遼人謂李氏世鎮遼東。邊人

憚服。非再用李氏不可。黃嘉善遂以爲請。帝從之。如楨

抵遼。楊鎬使守鐵嶺。鐵嶺故李氏宗族墳墓所在。時如

栢還京。其族黨部曲高貲者。悉隨之。西城中爲空。如楨

以孤城難守。還屯瀋陽。及鐵嶺被圍。遼兵不救。城遂失。

督軍士造戰車。治火器。濬濠繕城。爲守禦計。法嚴令行。

數月。守備大固。又請集兵十八萬。分布靉陽。清河。撫順。

柴河

堡名。在奉天府鐵嶺縣東北。以近柴河名。

鎮江

堡名。在奉天府鳳凰城東南。與朝鮮分界處。

等諸要口。使首尾相應。帝從之。

廷弼初抵遼。令僉事韓

行。

繼命僉事閻鳴泰至虎皮驛。慟哭而返。廷弼乃躬自

巡歷。自虎皮驛抵瀋陽。復乘雪夜赴撫順。時兵燹後。數

百里無人跡。廷弼祭諸死事者。乃耀兵奉集。相度形勢

而還。所至招流移。繕守具。分置土馬。由是人心始安。

韓原善。趙城人。閻鳴泰。清苑人。虎皮驛。一作十里河站。

在奉天府承德縣南。與遼陽州接界。奉集。遼縣。後廢。今

爲堡。在奉天府

承德縣東南。

秋九月。

廷臣伏文華門。請帝視朝。發奏章。不報。

時邊警日至。方從哲請帝出御文華殿。召見羣臣。面商

戰守方略。吏部尙書趙煥。率廷臣詣文華門。固請帝臨

朝議政。抵暮。遣中官諭之退。而諸軍機要務。廢閣如故。

煥等復上疏趣之。且作危語曰。他日薊門蹂躪。鐵騎臨

郊。陛下能高枕深宮。稱疾却之乎。帝深嘆焉。煥尋卒。卹典不及。

庚申四十八年春正月。朝鮮乞援。

是時我

大清兵攻破北關。降蒙古宰桑。舊作宰。今改。等。進攻朝鮮。國王

李琿

琿之子。三十六年襲封。

上疏乞援。而朝議誤聽。遼鎮塘報。遂

謂琿陽衡陰順。宜遣官宣諭。或命將監護。其說紛拏。琿

疏辨。言二百年忠誠事大。死生一節。詞極剴摯。禮兵二

部。請降勅慰諭。以安其心。帝是其議。然勅令陪臣齎往。

不遣官也。

夏四月。皇后王氏崩。諡孝端。

大學士方從哲哭臨畢。召見弘德殿。跪語良久。從哲請

補閣臣。用大僚。下臺諫命。帝許之。從哲叩頭出。復如故。

秋七月。帝崩。

先是。帝寢疾。不食者半月。外庭憂危。

時皇太子未得見。給事中楊漣偕諸

疾。內侍不肯言。潞公曰。天子起居。汝曹不令宰相知。將

毋有他志。速下中書行法。公誠曰。三問不必見。亦不必

上知。第令官中知。廷臣在。事自濟。公更當宿閣中。從哲

曰。無故事。漣曰。潞公不訶史志聰。此何時。尚問故事耶。

越二日。從哲始率廷臣入問。及帝疾亟。太子尚躊躇宮

門外。漣與光斗遣人語東宮伴讀王安曰。帝疾甚。不召

太子。非帝意。當力請入侍。嘗藥視膳。薄暮始還。太子深

納之。楊漣字文孺。應山人。左光斗字遺直。桐城人。王

尚書周嘉謨

字明卿。漢川人。

李汝華

字茂夫。睢州人。

黃嘉善。張問達。黃

克纘

字紹夫。晉江人。

侍郎孫如游

字景文。餘姚人。

等于弘德殿。勉諸臣

勤職輔理嗣君。越二日崩。遺詔發帑金百萬充邊賞。罷

一切礦稅及監稅中官。起用建言得罪諸臣。

光宗皇帝

庚申泰昌元年。

是年八月以前為神宗萬歷四十八年。八月以後為光宗泰昌元年。從當時廷議據實分

系。以存光宗之統。與前例一年兩系者不同。秋八月。太子常洛即位。赦。

以史繼偕沈淮。

字銘鎮。烏城人。

並為禮部尚書兼東閣大學士。預

機務。

神宗示。方從哲獨當國。請補閣臣。淮與從哲同里相善。

給事中元詩教等緣從哲意。以淮及繼偕名上疏。未發。

二人俱在籍。至是帝召用之。

淮于明年六月始至。繼偕于十月至。淮官翰林時嘗

授內侍書。劉朝魏進忠皆其弟子。既入閣密結二人。奏言遼左用兵。臣嘗募東陽義烏諸邑及楊州淮安材官

沈淮因與方從哲同里。倖躡黃扉。甫入。相即潛結中涓。濫除官職。儉人伎倆畢露。時當遼左用兵。敗報踵至。豈區區召募二百人所能濟事。蓋由其平日與劉朝魏忠賢結納已深。揣知

內操方亟是以屏居鄉里時已號召為合多人假稱募練不惟仰承風指且以自炫經猷既而謀畧無聞詭隨日甚視事國大事如兒戲灌之罪復何足誅乎

勇士二百餘請以勇士隸錦衣衛而量授材官職進忠朝方舉內操得灌奏大喜詔錦衣官訓練募士授材官王應于等遊擊以下官有差灌又奏募兵後至者復二百餘人請發遼東四川軍前亦從之魏進忠肅寧人後更名忠賢義烏漢烏傷縣唐改名今屬金華府

帝有疾

初鄭貴妃侍神宗疾留居乾清宮及帝嗣位猶未移懼

帝以福王事銜已進珠玉及美姬八人噉帝知選侍李

氏時宮中有二李選侍人稱東西李此為西李其東李嘗撫視信王後為客魏所間害憤鬱而卒最得

帝寵因請立為皇后選侍亦為貴妃求封皇太后帝力

疾御門趣舉冊封禮方從哲即以命禮部禮部侍郎孫

如游力爭事得寢時都下紛言貴妃使內侍崔文昇進

洩藥帝由此委頓羣情疑駭外家王郭二戚畹帝生母王氏皇

后郭氏。遍謁朝士。泣懇宮禁危急狀。言鄭李交固甚。包藏

禍心。于是給事中楊漣。御史左光斗。昌言于朝。與吏部

尙書周嘉謨。以大義責貴妃兄子鄭養性。趣貴妃移宮。

貴妃恐。卽移居慈寧。漣遂劾文昇用藥無狀。并及輔臣

方從哲。

以何宗彥

字君美。隨州人。

劉一燝

字季晦。南昌人。

韓爌

字象雲。蒲州人。

朱國祚

字

隆秀水人。

並爲禮部尙書。兼東閣大學士。預機務。召葉向高復

入閣。

時內閣止方從哲一人。史繼偕沈淮尙未至。帝遂復有

宗彥等命。而宗彥國祚向高亦俱在籍。惟一燝爌入直。

明年六月。宗彥國祚至。十月。向高至。復爲首輔。

紅丸移宮與梃擊並稱三案其是非本無難論定而當時異說紛囑入主出奴牢不可破遂爾自蓄疑團梃擊事前已具論之若紅丸之案謂李可灼必有逆謀自非篤論但可灼本不習醫其藥何由進御方從哲雖婉詞疑詰而藥未試豈竟不力為沮止藥甫進而遽遭不諱二人復何忍偷息人間乃從哲手撰寫遺詔時尚欲加可灼以優

帝召見方從哲等于乾清宮九月朔崩

帝疾甚召見英國公張惟賢閣臣方從哲劉一燝韓爌尙書周嘉謨李汝華侍郎孫如游都御史張問達并及給事中楊漣漣以小臣特預召帝數目之命封選侍爲皇貴妃選侍挽皇長子入復推之出告帝曰欲封后帝不應羣臣愕然帝問有鴻臚官進藥者安在從哲曰鴻臚寺丞李可灼自云仙方臣等未敢信帝命宣可灼至趣和藥進所謂紅丸者也帝服訖稱忠臣者再諸臣退俟宮門外中使傳上體平善日哺可灼復進一丸出明日昧爽帝崩選侍據乾清宮與心腹閹魏進忠謀挾皇長子自重羣臣入臨爲閹人所格漣厲聲責之得入臨

賞無怪盈廷之噴有煩言
律以許止趙盾惡名誠無
可辭而遽請顯正刑誅則
太過矣至李選侍以先朝
嬪御乾清固非所宜居及
既徙噦鸞臺疑即當盡息
又何至捕風捉影附會宮
禁傳聞致創為雉經入井
之說狃狃爭訟經年不休
光為悖妄總由諸人初無
忠君愛國之心而分門別
類私意蔽銅遂至幸災樂
禍託為忠愛以逞臆見而
肆譏彈其心實不可問迨
議論未定而宗社已墟口
舌之病殆亡徵之先見耳

如禮。一燝詰皇長子所在。羣閣不應。一燝大言。誰敢匿
新天子者。東宮伴讀王安入白。選侍給曰。第出即返。遂
抱皇長子疾趨出。及門。中官數輩追及。攬衣請還。漣呵
退之。一燝與惟賢。遂掖皇長子升輦。至文華殿。羣臣叩
頭呼萬歲。還居慈慶宮。擇日登極。時衆議未定。有請改
初三者。有請于即日
午時者。漣曰。今海宇清宴。內無嫡庶之嫌。父死之謂何。
含斂未畢。冠冕臨朝。非禮也。或言登極則人心安。漣曰。
安與不安。不在登極。早暮處之得宜。即朝委裘何害。議
定。出過文華殿。太僕少卿徐養量。御史左光斗至。責漣
誤大事。唾其面曰。事脫不濟。汝死肉
足食乎。漣為悚然。徐養量應城人。

選侍李氏移居噦鸞宮。

選侍欲專大權。必欲與皇長子同居。廷臣箋奏令先進
乾清。然後進慈慶。左光斗上言。內廷有乾清宮。猶外廷

有皇極殿。惟天子御天得居之。惟皇后配天得共居之。其他妃嬪。雖以次進御。不得恒居。非但避嫌。亦以別尊卑也。選侍既非嫡母。又非生母。儼然尊居正宮。而殿下乃退處慈慶。不得守几筵行大禮。名分謂何。及今不早斷決。將借撫養之名。行專制之實。武氏之禍。再見于今。將來有不忍言者。選侍得光斗疏。大怒。將加嚴譴。數使宣召光斗。光斗曰。我。天子法官也。非天子召不赴。若輩何爲者。選侍益怒。邀皇長子議之。皇長子深以光斗言爲善。趣擇日移宮。而首輔方從哲徘徊其間。顧欲緩之。劉一燝曰。本朝故事。仁聖嫡母也。移慈慶。慈聖生母也。移慈寧。今何日可姑緩耶。至登極前一日。楊漣復抗疏。

言選侍陽託保護之名陰圖專擅之實官必不可不移
臣言之在今日殿下行之在今日諸大臣贊決之亦惟
今日于是一燎韓爌邀從哲請即日降旨竚立宮門以
俟選侍不得已乃移職鸞宮皇長子復還乾清是時宮
府危疑

人情恟懼光斗與漣協心建
議辰極獲正朝野稱為楊左

皇長子由校即位

是為
熹宗

時廷議改元或議削泰昌弗紀或議去萬歷四十八年
即以今年為泰昌或議以明年為泰昌後年為天啟元
年左光斗請以今年八月以前為萬歷以後為泰昌明
年為天啟從之時劉一燝韓爌周嘉謨等念內廷惟王
安足倚初光宗在東宮時鄭貴妃謀立已子數使人陰
撫其過安善為調護貴妃無所得及挺擊事起

王安初為東宮伴讀頗有
調護之勞其行事亦尚不

違公是不可謂非庸中佼佼但新君初立閣臣不思援眾正匡扶轉欲倚宦官為內助實乖杜漸防微之道雖王安秉筆尚知謹慎持正不致請弊叢滋但以朝政假手中消遂使柄移司禮未幾而奸璫逞志大翻朝局流毒無窮揆厥禍原一爆亦不得辭咎也

安又為屬草下令旨釋羣臣疑以安貴妃神宗大悅及光宗即位擢司禮秉筆監營勸行諸善政發帑金濟邊起用直臣鄒元標主德完等中外翕然稱賢吏部所奏請無不從發內帑抑近倖搜拔賢才中外欣然望治

賜太監魏進忠世廕封乳母客氏

定興人

為奉聖夫人

進忠初為帝母王才人典膳

進忠少無賴善馬射尤好博嘗與悍少年博不勝為

所苦志而自官遂入內廷與諸監博因魏朝以結王安

益窘乏久之始負緣為才人典膳

因魏朝以結王安

朝先與客氏私即所稱為對食者及進忠入亦通焉客

氏遂溥朝而愛進忠兩人深相結帝嗣位進忠客氏並

有寵封客氏奉聖夫人廕其子侯國興弟客光先及進

忠兄釗與錦衣千戶

先是進忠直東宮有道士歌于市曰委鬼當頭立金花滿地紅委鬼

謂魏茹則析其字為客也及是客魏始用事蓋已有先兆云

諭內閣暴選侍李氏罪責御史賈繼春新鄉人

選侍移宮雖迫然帝奉養甚備會宮奴劉朝田詔等盜

寶選侍移宮時朝等盜內府秘藏過乾清門仆金寶墜地帝怒下法司案治甚急諸

閹懼構蜚語謂選侍投繯皇八妹選侍出入井熒惑朝士

繼春信之即上書內閣言新君御極之時不當導以違

忤先帝逼逐庶母俾先帝玉體未寒不能保其姬女于

是左光斗首上疏述移宮事畧言皇上當還乾清則選侍自當移宮其理易曉唯

是移宮以後自宜存大體捐小過若使宮闈不安便于國體有損帝乃宣諭內閣備述

選侍凌虐聖母及要挾傳封皇后與即口欲垂簾聽政

諸狀方從哲封還上諭帝不允復降諭數選侍過惡言

侍前因毆崩聖母。自度有罪。每使宮人竊伺。不令朕與聖母舊侍言。有輒捕去。朕之苦衷。外廷豈能盡悉。因

責繼春妄生謗議。理法安在。且言朕今停選侍封號。以

慰聖母在天之靈。厚養選侍及皇八妹。以遵皇考之意。

爾諸臣可以仰體朕心矣。未幾。噦鸞宮災。帝諭內閣。言

選侍皇八妹無恙。而是時給事中周朝端字思永。臨清人。謂繼

春生事。繼春與相詆諆。乃再揭內閣。至稱選侍爲未亡

人。繼春揭有云。伶仃之皇八妹。入井誰憐。孀寡之未亡人。雉經莫訴。楊漣恐繼春說遂

滋。亦上疏具陳移宮始末。且言選侍自裁。皇八妹入井。

蜚語何自。恐釀今日之疑端。流爲他年之實事。臣安敢

無言。帝優詔褒漣。而深惡繼春。將加嚴譴。劉一燝力爲

解。乃止。無何。繼春黨忌漣。詆漣結王安圖封拜。漣不勝憤。抗疏引歸。而繼春出按江西。馳疏自明。上書

之故。帝屢旨切責。明年四月。繼春遂削籍。

冬十月葬定陵。孝端皇后同葬。

謚曰顯皇帝。廟號神宗。

明史贊曰。神宗冲齡踐阼。江陵秉政。國勢幾于富彊。繼乃因循牽制。晏處深宮。綱紀廢弛。君臣否隔。于是小人好權趨利者。與名節之士為仇讐。門戶紛然。邪黨滋蔓。在廷正類。無深識遠慮。以折其機牙。而不勝憤激。交相攻訐。以致人主蓄疑。賢奸雜用。潰敗决裂。不可振救。論者謂明之亡。實亡于神宗。豈不諒歟。

罷熊廷弼。以袁應泰字大來。鳳翔人。經略遼東。

廷弼有膽畧。知兵。然性剛。好嫚罵。物情不甚附。給事中

姚宗文。向與廷弼同在言路。意氣相得。專以排東林。後攻道學為事。

以廷弼不薦已。已怨。及出閔邊。廷弼以其書生貌之。遂

積相失。宗文持內府體自尊。廷弼心易之。甫開燕幕。吏傳外警。廷弼介而馳。命屬吏款宗文。宗文色動。

未幾廷弼還。笑曰。老掌科無恐。此邊關常事耳。燕罷。宗文偵外實。無警意。廷弼戲之。恨甚。主事劉國縉。向亦與廷弼同官。以京察被謫。及是。贊畫軍前。以故舊。意望廷弼。廷弼不能如前。國縉怒。遂與宗文比。而傾廷弼。比宗文還。疏陳遼土日蹙。詆廷弼廢羣策。而雄獨智。復鼓其同類攻擊。必欲去之。于是御史顧慥。山陽人。馮三元。河

人。張修德。太原人。

給事魏應嘉。興化人。

等先後劾廷弼破壞

遼疆。廷弼憤甚。抗疏求罷。朝議以應泰代之。應泰歷官。

精敏。疆毅。用兵非所長。廷弼在邊。持法嚴厲。部伍整肅。

應泰以寬矯之多。所更易。是時。蒙古諸部大饑。多入塞。

乞食。應泰下令招降。處之遼瀋二城。優其食廩。與民雜

居。議者言收降過多。恐反不利。後應泰卒。以此敗。方廷弼之

去遼也。上疏求勘。朝廷命給事中朱童蒙往。廷弼復上疏言。今廟堂議論。全不知兵。冬春之際。冰雪稍緩。聞然

明政之弊起于重內輕外
闔帥卽有幹材而臺省齟

訖之者輒無所不至其人
或力圖銳入則以開釁糾
之其人或意存持重則以
促戰困之廷弼數言實足
盡在廷率不可破之陋習
特其為人威略不無足觀
而性質龔疎不能自克是
以尋常晤毗細故召闢賈
禍至身名瓦裂而莫之
惜亦不得謂非其所自取

言師老財匱馬上促戰及軍敗愀然不敢復言比收拾甫定愀然者復闕然責戰自有遼難以來用武將用文吏何非臺省所建白何嘗有一效疆場事當聽疆場吏自爲之何用拾帖括語徒亂人意哉及童蒙還備陳弼功狀未言廷弼功在存遼旁有可紀而遽爾乞歸負君之罪實無所逃時頗以其言爲當云朱童蒙萊蕪人。

以孫如游爲禮部尙書兼東閣大學士預機務。

帝卽位如游以帝爲皇長孫時未就外傳卽請開講筵報可至是遂入閣。

十二月方從哲罷

先是光宗崩中外皆恨李可灼而從哲擬遺旨賚可灼

銀幣御史王安舜

廣州後衛人

首劾從哲輕薦狂醫又賞之

以自掩其罪從哲因改奪可灼俸一年已而御史鄭宗

周文水人復劾崔文昇罪請下法司從哲擬旨令司禮察

處于是御史馮三元焦源溥字涵一三原人郭如楚晉江人給事

中魏應嘉太常卿曹珖字用韋益都人光祿少卿高攀龍主事

呂維祺字介孺新安人等相繼言文昇可灼罪不容誅而從哲

反為徇庇國法安在給事中惠世揚清潤人直糾從哲十

罪三可殺言從哲獨相七年妨賢病國罪一驕蹇無禮失誤哭臨罪二挺擊青宮庇護奸黨罪三恣

行胸臆破壞絲綸罪四縱子殺人蔑視憲典罪五阻抑

言官蔽壅耳目罪六陷城失律寬議撫臣罪七馬上催

戰覆沒全師罪八徇私罔上鼎鉉貽羞罪九代營權稅

蠹國殃民罪十貴妃求封后舉朝力爭從哲依違兩可

當誅者一選侍乃鄭氏私人從哲受其宮奴所盜美珠

欲封為貴妃又聽其久據乾清當誅者二崔文昇用洩

藥傷損先帝諸臣論之從哲擬脫罪李可灼進刦藥從哲擬賞賚當誅者三從哲力求去疏

六上命進中極殿大學士賚銀幣蟒衣允其致仕當神宗之

末。從哲獨秉國成。一無所匡救。又用姚宗文閱邊。斷經畧熊廷弼去。遂陽遂失。論者謂明之亡。神宗實咎之。而從哲其罪首也。

